

REFERAT AIA - Aningaasaqarnermut Inuussutissarsionermullu Ataatsimiititaq d. 07-11-2023

Mødedato Tirsdag d. 07. november 2023 kl. 15:00

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Aaqqissuussaannermut Ineriartortitsinermullu immikkoortorta qarfimmit ilisimatitsissut.....	6
Kangillinnguit Atuarfianni nakkutilliinermiit nalunaarusiaq.....	10
Sunngiffimmi atuartitsineq 2023-2024.....	14
Meeqqerivinnut utaqquisut pillugit ilisimatitsissut 2023-mi kvartalit pingajuat.....	17
Nuummi akunnittarfiit inissisimaffii.....	21
Imigassanik aalakoornartulinnik sassaallersinnaannermut akuersissummut type B-mik qinnuteqaamr	24
Pitsaassusilerinermut immikkoortorta q.....	27
Qinigaaffiup sinneranut politikikkut ataatsimiiffissat.....	32
2024-mut missingersuutinik aappassaaneerinninneq.....	34
Nuup Bussii A/S - Suleqatigiinnermi isumaqatigiissutip nutarternera.....	38
2024-mi suliat pitsaassusissaata allaaserineqarneri.....	42
40E2 Tankeqarfik, Ittoqqortoormiit, pillugu pingaarnertut aalajangersakkat inaarutaasumik akuersis	46
Angallanneq pillugu Siunnersuisooqatigiinnik pilersitsineq.....	49
Lukket.....	52
Lukket.....	53
Lukket.....	54
Lukket.....	55
Tamalaat.....	56
Imaqarniliap akuerineqarnera.....	57

Punkt .: Saqqaa

Ilaasortat

Avaaraq S. Olsen (IA) *siulittaasoq*

Juaaka Lyberth (IA)

Uju Petersen (IA)

Justus Hansen (D)

Dorthe-Marie Mogensen-Fontain (S)

Doris J. Jensen (S)

Peter Davidsen (S)

Beslutning

Ataatsimeeqataasut:

Avaaraq S. Olsen (IA) *formand*

Juaaka Lyberth (IA)

Uju Petersen (IA)

Justus Hansen (D)

Doris J. Jensen (S)

Peter Davidsen (S)

Ataatsimeeqataasinnaanatik nalunaartut:

Dorthe-Marie Mogensen-Fontain (S)

Punkt .: Oqaluserisassat akuersissutigineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

Piffissami oktobarip 3-anniit novembarip 7-iannut

- 5/10: Kommune Qeqertalimmi ataatsimiititaliamik ataatsimeeqateqarneq
- 12/10: Illoqarfimmik kusassaanissaq pingaarnertut eqqartorniarlugu Kultureqarnermut immikkoortortaqarfimmik oqaloqatigiinnertalimmi pisuttuaqateqarneq
- 17/10: NAKUUSA - Meeqqat ataatsimeersuarnerat - Katuami ammaanersiornermi oqalugiarneq
- 17/10: Meeqqanut Atuarfeqarnermullu Ingerlatsiviup aamma Kalaallit Nunaanni Timersoqatigiit Kattuffiata akornanni suleqatigiinnissamik isumaqatigiisummik atsioqatigiinneq
- 18-24/10: Arctic Circle Assembly aamma suliamut atatillugu Reykjavikimiinneq
- 25/10: Kulturitta siuarsarneqarnissaa pillugu Siunnersuisooqatigiit ataatsimeeqatiginerat - Aningaasaateqarfik Sermeq
- 25/10: Piujuartitsineq pillugu apeqqarissaarfiginninnermut peqataaneq
- 30/10: Missingersuutit pillugit isumaqatiginninniarneq
- 31/10: Ataatsimiititat, kommunalbestyrelse immikkut ittumik ataatsimiipput, meeqqerivinnut tunngasut qitiutillugit ataatsimut immikkut ittumik sammisaqarneq
- 3/11: AHL-imi Projekt Edisonertoqarnerani naliliisartuutinneqarpunga
- 3/11: 2024-mi ataatsimoortumik tapiissutit pillugit inaarutaasumik isumaqatigiisuteqarnissamut Aningaasaqarnermut Akileraartarnermullu Naalakkersuisoqarfimmi ataatsimeeqateqarneq
- 6/11: Peqqissutsimut tunngasuni suleqatigiinnissamut isumaqatigiisut pillugu tunngaviusumik aalajangernissamut Peqqissutsimut Naalakkersuisoq Agathe Fontainimik ataatsimeeqateqarneq

Punkt 1: Aqqissuussaanermut Ineriartortitsinermullu immikkoortortaqarfimmit ilisimatitsissut

Beslutning

Ilisimatitsissut tusaatissatut tiguneqarpoq.

Bilag

2023-mi aqutsisut ataatsimeersuarnerannut ullormut pilersaarut



Aaqqissuusaanermut Ineriartortitsinermullu immikkoortortaqarfimmit ilisimatitsissut

Kommuneqarfik Sermersuumi Aqutsisunik ineriartortitsineq, suliffimmi avatangiisit aamma Nammineq piumassutsiminnik suliaqartartut

Ilisimatitsissut

SagsID.: EMN-2021-10173

Suliffeqarfimmut Kiffartuussivik – vicekommunaldirektøri Marie Fleischer / MAFL

Inassuteqaat

Suliffeqarfimmit Kiffartuussivimmit Aningaasaqarnermut Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq

Suliassamik saqqummiussineq

Suleqatigiinnissamik isumaqatigiisummi ”Kommuneqarfik Sermersooq – Kommune illoqarfittut pingaarnersaqarfik siuariartorfiusoq” tassani ilaatigut suliffimmi atukkat pitsaanerunissaasa qulakkeerneqarnissaat, innuttaasunik sullissinerup pitsaanerunissaa kiisalu innuttaasut oqartussaqaarfinnik, ingerlatsivinnik aamma suliffeqaarfinnik pitsaasumik naapitsisarnissaat kissaatigineqarpoq. Matumani suliassamik saqqummiussinermi, pitsaasumik suliffimmi avatangiiseqarnissamut, innuttaasumut pitsaasumik sullissinissamut aammalu innuttaasup kommunimut saaffiginninnermini ajunngitsumik misigisaqarnissaanut suliniutinut tapertaasut ilisimatitsissutigineqarput.

Aqutsisunik ineriartortitsinerup pingaartinneqarneratigut kiisalu ”Kommuneqarfik Sermersuumi nammineq piumassutsimik sulineq” pillugu suliniuteqarnikkut suliffeqarfiup ileqquliussaani ”innuttaasoq pillugu Kivitsisuuvugut” suliaq pitsanngorsarneqassaaq kiisalu Kommuneqarfik Sermersuup piujuartitsisumik ineriartortitsinermik suliaqarnera pitsaanerulersinneqassaaq.

Suliffeqarfinni aqutsisunik, meeqqerivinni aqutsisunik inunnillu pingaarutilinnik tunngaviusumik aqutsisutut ilinniartitaaneq

Kommuneqarfik Sermersuumi aqutsisutut ineriartornermut tunngatillugu suliniutit pingaarnertinneqarput. Sulisut aqutsisorissaarnerisigut suliffimmi nuannaarnerulersitsisinnaallunilu napparsimasarnernik annikinnerulersitsisinnaavoq. Sulisut akornanni atugarissaarnerunikkut innuttaasunik sullissineq pitsaanerusoq qulakkeerneqassaaq. Tamanna tunngavigalugu Kommuneqarfik Sermersuumi suliffeqarfinni aqutsisut, meeqqerivinni aqutsisut inuillu pingaarutillit akornanni aqutsinermik piginnaasaasa ineriartortinniarlugit ilinniartitaanermut pilersaarutit aallartinneqassapput.

Ilinniartitaaneq novembarip qaammataani Paamiuni aallartillugu ingerlanneqassaaq, tamatumalu kingorna Tasiilami aamma Nuummi ingerlanneqassalluni. Taamatut ingerlatsinerup siunertarivaa, kommunimi aqutsisut tunngaviusumik sulisunik pikkorissunik tigumminniinnarsinnaanermut tunngatillugu ilisimasaqalernissaat aammali kommunimi innuttaasunut iluaqutissartaa eqqarsaatigalugu.

Ilinniartitaaneq kalaallisut ingerlanneqassaaq.

Pitsaassuseq suleqatigiinnerlu

Aqutsisunik ineriartortitsinerup suliatigut qaffasissumik aamma eqqortumik pitsaassuseqarnissaa qulakkeerumallugu ingerlanneqarnissaata imaanut Meeqqanut Atuarfeqarnermullu Ingerlatsivik



aamma Inunnut innarluutilinnut tarnimikkullu nappaatilinnut immikkoortortami fagchefit piginnaasaminnik imarisaatalu pitsaassusaanik qulakkeerinnikut ilanngussipput.

Ingerlanneqarnerata nalaani aqutsisut aqutsisui ilanngunneqartassapput, taamaalillutik ingerlanneqartup imarisaanik ilisimatinneqarluassapput aamma ineriartortitsinermi aqutsisuminnik tapersersuisinnaassapput. Ingerlanneqartup patajaatsumik ingerlanneqarnissaa qulakkeerumallugu peqataasut akunnerminni attaveqatigiinnerulernissaat pingaartinneqarpoq.

Aqutsisutut ilinniartitaanermi ilinniartitsisoq

Neqerooruteqartitsisoqarnerata kingorna Malene Jensen ilinniartitsisussatut toqqarneqarpoq. Malene aqutsisunik ineriartortitsinermi ilinniartitsisutut ukiut 15-it sinnerlugit misilittagaqarpoq ingerlanneqartussarlu Kommuneqarfik Sermersooq suleqatigalugu naleqqussarsimallugu.

Pisussamut piffissalersuut

Paamiut

Modul 1: 6. – 9. novembari 2023 (6. aamma 9. novembari ullup affaannassapput angalanissaq pissutigalugu):

Modul 2: 12. - 16. januaari 2024 (tallimangorneq, ataasinngorneq aamma marlunngorneq)

Tasiilag

Modul 1: 24. – 28. novembari 2023 (tallimangorneq, ataasinngorneq aamma marlunngorneq)

Modul 2: 12. - 16. februaari 2024 (tallimangorneq, ataasinngorneq aamma marlunngorneq)

Nuuk

Modul 1: 13. – 15. marsi 2024

Modul 2: 23. - 25. apriili 2024

2023-mi aqutsisut ataatsimeersuarnerat

Kommuneqarfik Sermersuumi Nuummi, Paamiuni, Tasiilami Ittoqqortoormiinilu aqutsisut 150-it missaanniittut septembarip 25-anni aqutsisut ataatsimeersuarnerannut ataatsimoortinneqarput. Ataatsimeersuarneq Hotel Hans Egede-mi ingerlanneqarpoq taavalu Paamiunut, Tasiilamut aamma Ittoqqortoormiinut toqqaannartumik aallakaatinneqarluni. Ullormi tassani isumassarsiorfiulluarsinnaasunik saqqummiisoqarpoq isumaqarluartunillu oqallittoqarluni, taakkulu ataatsimut najukkami suliniuteqarnissamut isumassarsiorfiullutik kommunimilu aqutsinermi pitsanngorsaataassallutik, taamatullu ataatsimoornermi nuannisaqatigiinneq pilluni. Aqutsisummi ataatsimut anguniagaqarput, tassa najukkami suliffimmi sulisunut pitsaanerpaamik atugassaqartitsinissaq, taamaalillutik innuttaasunut pitsaanerpaamik kiffartuussisinnaalissammata.

Kommuneqarfik Sermersuumi piumassutsiminnik sulisut

Suliniut "Kommuneqarfik Sermersuumi Nammineq piumassutsimik sulineq" suliniummut "Utoqqartatta ataqqinartumik inuuneqarnissaat" siullermik sulinermut atatillugu ilaavoq, 2023-mut missingersuutit innersuussutigalugit. Tassani allassimavoq: "*Kommunalbestyrelsen kissaatigaa "Utoqqartatta ataqqinartumik inuuneqarnissaat" pitsanngorsassallugu. Suliassaqarfimmili tassani ajornartorsiutaanerpaasoq ilisimallugu tassaasoq sulisussaaleqineq. Taamaattumik suliniut nutaaq aallartinneqarpoq "Kommuneqarfik Sermersuumi piumassutsiminnik sulisut".*

Suliniuummi siunertaavoq, suliffeqarfittut sulisorisanik kommunip suliffeqarfiutaani piumassutsiminnik suliaqarnissamik pisinnaatitsinissarput, tassa suliat saniatigut innuttaasunik ulluinnaani pisinnaangisaannik ikiuulluni.



Suliniuteqarneq Utoqqaat Illuanni aamma Ippiarsummi misiligutitut ingerlanneqassaaq, sulisuniillu piomassutsiminnik sulisunik pulaartartuunermik aneerussisartuunermillu ikiorneqalernissaq qilanaarineqarpoq.

Allaffissornermi sulisut aqutsisumik isumaqatigiissuteqarnikkut qaammammut akunnerit marluk suliffiusut kajumissutsimik sulinermit atorsinnaanerannut periarfissaq pisortaqaatigiinnit akuersissutigineqarpoq.

Piomassutsiminnik sulisut 14-it piffissami 14. juuni 2023 – 15. oktobari 2023-mi Ippiarsummi ikiuussimapput.

Suliniutigineqartoq utoqqaat illuini aallartinneqarpoq tassanilu misilittakkat kommunimi suliaasaqarfinnut allanut siammartinneqarumaartut neriututigineqarluni.

Suliffimmi isumannaallisaanikkut pissutsinut aammalu suleqatigiinnermut ataatsimiititaliaq Suliffimmi isumannaallisaanermut pissutsinut ataatsimiititaliaq aamma suleqatigiinnermut ataatsimiititaliaq kattunneqarput HASU-millu taaguuteqalerluni. Suliffiup avatangiisai pillugit inatsisitigut allannguut 1. juuli 2023-mi atuutilersinneqarpoq inatsisitigullu piomasaqaatit nutaat naapertorlugit ataatsimiititaliap aaqqissugaanerata ukkatarisassaatalu naleqqussarnissai pingaaruteqartuusut erseqqissaatigineqarluni. 2023-mi oktobarip ulluisa tallimaanni siullermik ataatsimiittoqarpoq, ilaatigullu ataatsimiititaliami ataatsimut suleqatigiinnissamut isumaqatigiissusiornissaq ataatsimoorullugu suliarineqarluni.

Ataatsimiititaliami nutaami Kommuneqarfik Sermersuumi atugarissaarneq, peqqissuseq aamma suleqatigiinneq pillugit suleqatigiinnerup pitsanngorsarneqarnissaanik takutitsisuuvoq.

Ingerlatsivimmit aningaasatigut sulisoqarnikkullu naliliinerit

Aningaasaatigineqareersut atorlugit aningaasartuutit akilerneqassapput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppernarsaatillit

- Kalaallit Nunaanni suliffimmi avatangiisit pillugit inatsit

Ilanngussat

1. 2023-mi aqutsisut ataatsimeersuarnerannut ullormut pilersaarut

Punkt 2: Kangillinnguit Atuarfianni nakkutilliinermi nalunaarusiaq

Beslutning

Ilisimatitsissut tusaatissatut tiguneqarpoq.

Bilag

2023-mi aqutsisut ataatsimeersuarnerannut ullormut pilersaarut



Kangillinnguit Atuarfianni nakkutilliinermi nalunaarusiaq

Ilisimatitsissut

SagsID.: EMN-2023-01398

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- Kommunalbestyrelsimut ilisimatitsissutitut ingerlateqqinneqassasoq

Suliamik saqqummiineq

Atuarfik pillugu Inatsisartut inatsisaat nr. 15, 3. decembari 2012-imeersoq § 43 naapertorlugu Kommunalbestyrelse ataavartumik atuarfiit ingerlanneqarnerannik nakkutilliisussaataavoq.

Meeqqanut Atuarfeqarnermullu Ingerlatsivimmi Atuarfeqarnermut immikkoortortap kommunip atuarfiini ukiumut ataasiarluni nakkutilliartortarnissaq siunniunnikuuaa. Ulloq 20. februaari 2023 Atuarfeqarnermut Immikkoortortaq Kangillinnguit Atuarfiannut Nuummiittumut siumut ilimasaareqqaarluni nakkutilliartorpoq.

Nakkutilliineq tunngavigalugu suliata tunngavigalugit naliliineq tamaat isigalugu atuarfik ingerlalluartuuvoq atuarfimmi aqutsisut peqataatitsisuullutillu ersarissuupput, tamannalu atuartut atugarissaarnerannut toqqissisimanerannullu pitsaasumik sunniuteqarpoq. Atuarfimmi sulisut piginnaasaqarluartuupput, taamaalillutik atuarfimmi atuagarsornikkut angusat misilitsinnermilu inernerit pitsaasuullutik.

Nakkutilliinermi nalunaarusiamiit immikkoortut pingaarnerit ilaat tullinnguuttuni allaqqapput.

Atuartitsissutini angusat

Nuna tamakkerlugu agguaqatigiissillugu inissisimanermit sanilliukkaanni 3. klassit alloriarfimmi misilitsinnerannit atuagarsornikkut angusaat akunnattumiipput, 7. klassillu angusaat qaffasinnerullutik. Taamaattoq 3. klassini alloriarfimmi misilitsinnermit angusat appariartorput, kinguneranillu atuarfimmi aqutsisuniit pitsanngoriartitsinissamik suliniutit arlallit aallartinneqarput. Matumani oqaatsinik pinnguarnermi sammisat naqinnerillu nipaata ilusaallu ukkataralugit sularineqarput. Tamatuma saniatigut matematikkimik atuartitsineq ukkatarineqarpoq, tassanilu atuarfimmi pitsaassutsimik ineriartortitsinermut, matematikkimut akisussaaffiup iluani, immikkut ingerlariaqqiffiusumik ilinniagaqartumik pitsaassutsimik ineriartortitsisoq suliaqartinneqarluni. Atuarfiup aqutsisui alloriarfiit pillugit ataatsimiinnernut, atuartitsinernut ataavartumik peqataasarput kiisalu ukiumut ilikkagassatut pilersaarutini ilikkakat uuttortarneri, ukiup ingerlanerani pilersaarutit kiisalu sap. ak. pilersaarutit misissugarisarlugit.

Nalunaaquttap akunnerinik atuneq

Atuarfimmi ukioq atuarfiusumi 2022/2023-mi nalunaaquttap akunnerinik atuinissamut pilersaarutaasut meeqqat atuarfianni ikinnerpaamik atoqqusaasunut sanilliullugit klassini tamani qaangerneqarsimavoq. Ilinniartitsisut atuartitsinissamut akunnernik atuinissaannik agguataarinermi atuartitsinermut agguataarinissamut tunngavigineqartoq atorneqartarpoq, ilaatigut tassani ilinniartitsisut ataasiakkaat linjefagii, misilittagaat, piginnaasaat aamma atuartitsisarsimanerannit nalilersuinermit inernerit aallaavigineqarlutik. Nakkutilliinerup nalaani atuarfimmi aqutsisuniit oqaatigineqartoq tassaavoq, ukiup atuarfiusup tullianut atuartitsissutissat pilersaarusiornissaannut skiimaliortartussamik immikkut pisariaqartitsisoqartoq. Atuarfeqarnermut immikkoortortamit



nakkutilliineq tunngavigalugu malinnaavigineqarpoq atuartitsinermit piffissarititaasut tunniunneqartoq malinneqarneris, ilaatigut tassani ukiup atuarfusup 2022/2023-p ilinniartitsisutigit pisariaqartitsinermit misissueqqissaarinermit atuarfimmumt agguataarneqarsimasut tunngavigalugit.

Atuartut naliliiffigineqarneri

Atuartut atuartitsinermit atugarissaartitaanermillu pissarsiaasa ingerlaavartumik tamakkiinerusumillu naliliiffigineqarneri atuarfimmu ataqatigiissumik ingerlanneqartarput. Ukiumi atuarfusumi 2022/2023-mi atuartut pissarsiaasa atugarissaarnerisalu naliliiffigineqarneri ilaatigut atuarfimmu sulisut angajoqqaallu akornanni oqaloqatigiinnissaannut tunngaviliisut ukiumut marloriarlugit ingerlanneqarput. Atuartut ilikkalernissaannut, atugarisornikkut inuttullu ineriartornerannut angajoqqaat ilinniartitsisullu peqatigalugit iliuusissatut pilersaarusiortoqartarpoq. Atuartut qaammatinik marlunnik akunneqartumik naliliiffigineqartarput taakkulu angusaat Angusakkamik taaneqartut TEA Tabuleximumt toqqortorneqartarput. Taamaattoq Atuarfeqarnermut immikkoortortamiit maluginiarneqarpoq atuartut Angusakka-anni ilassutitut oqaaseqaateqarfigineqartut amerlanngitsut, assersuutigalugu atuartup atuarfimmu sulisarnera kiisalu inuttut inooqataanikkullu ineriartornera allaaserineqarlutik, taamaattumik innersuussutigineqarpoq atuartut Angusakka-asa pitsaassusaat annertusarniarlugit ataasiakkaanik misissuillattaarisooqassasoq.

Atuartut atuangitsoortarnerat

Nakkutilliinerup nalaani atuartut akuerineqarlutik peqanngittarnerat 4,89 %-imiippoq akuerineqaratillu atuangitsoortarnerat 1,74 %-imiilluni, tassa ullut atuarfusut 123-t iluini. Tamaat isigalugu immikkut ittumik atuartitat angajulliillu akornanni atuangitsoortarnerat amerlanerpaapput. Atuangitsoortarnerit siviisuut uteqqiattulluunniit pillugit klasselærerip iliuuseqarfigissallugit aamma atuartup, angajoqqaat/angajoqqaatut akisuussaasut ilinniartitsisoqatigiillu akornanni ataqatigiissaarinissaq akisussaaffigaa. Immikkut ittumik pisoqartillugu atuarfimmu aqutsisut akulerutsinneqarsinnaapput. Atuarfimmu atuartut atuangitsoortarnerat pillugu ullup affaani perorsaanermut tunngasumik ingerlatsisoqarpoq.

Ilinniartitsisut sulinngittarnerat

Ilinniartitsisut sulinngitsoortarnerat 13,2 %-imiippoq tamannalu Atuarfeqarnermut immikkoortortamit ernummatigineqarpoq. Sulinngitsoornerpassuit ataasiakkaanik siviisuumik napparsimasarnermik peqquteqarsinnaagaluartut napparsimalluni sulinngitsoortarnerit amerlammata Atuarfeqarnermut immikkoortortamiit innersuussutigineqarpoq ilinniartitsisut sulinngitsoortarnerat appartinniarneqassasoq.

Atuartut siunnersuisoqatigiivi

Atuarfik elevrådeqarpoq elevrådillu ilinniartitsisumik attaveqaateqarput ataatsimiittarnissaannut pilersaarutinik sammisassanullu akisussaasumik. Klassit tamarmik elevrådimi aallartitaqarput qaammammullu ataasiarlutik ataatsimiittarput.

Inissatigut atugassarititaasut

2022-mi novembarip qaammataata aallartinnerani atuarfimmu klassit ilaanni ikuallattoqarpoq. Tamatuma kingunerisaanik atuarfimmu inip iluarsartuunneqarnera pissutaalluni inissanik amigaateqartoqalerpoq. Klassit arlallit 26-nik atuartoqarput klassillu taamaalillutik angissusaat klassip ilua silaannarilluassappat pissusissamisoortatik. Taamaattumik Atuarfeqarnermut immikkoortortamiit innersuussutigineqarpoq klassit atuartunut 26-nut inissaqassusaat annertusarniarlugit periarfissat misissorneqarnissaat pissasoq.



Allat

10. klassimi atuartut ilaat 10. klassimi atuareernerup kingorna ilinniakkamik aallartittangikkunik suliffeqalersarput, taakkulu 90 %-it sinnilaarlugit amerlatigipput. Atuartut amerlanerpaat 10. klassip kingornatigut ilinnialertartut Danmarkimi efterskolimi aallartittarput (38,5%) GUX-imilu (23%).

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq

Siusinnerusukkut aalajangiineq

Meeqqanut Atuarfeqarnermullu Ataatsimiititap 25.10.23:

Ilisimatitsissut tusaatissatut tiguneqarpoq.

Ilanngussat

1. Kangillinnguit Atuarfianni nakkutilliinermi nalunaarusiaq

Punkt 3: Sunngiffimmi atuartitsineq 2023-2024

Beslutning

Ilisimatitsissut tusaatissatut tiguneqarpoq.

Bilag

Sunngiffimmi atuartitsinerit takussutissaat



Sunngiffimmi atuartitsineq 2023-2024

Ilisimatitsissut

SagsID: EMN-2023-03975

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kulturikkut ingerlatsineq sunngiffimmiu sammisaqartitsineq pillugit Inatsisartut peqqussutaat naapertorlugu Meeqqanut Atuarfeqarnermullu ingerlatsiviup matumuuna saqqummiuppa, kommune tamakkerlugu meeqqanut inersimasunullu sunngiffimmi atuartitsinermit pilersaarut pillugu ilisimatitsissut.

Meeqqanut inersimasunullu sunngiffimmi atuartitsinerit septembarip ulluisa 11-iani 2023-mi aallartinneqarput, ingerlanneqassallutillu 2024-mi martsip naanissaata tungaanut.

Neqeroorutit tamarmik speedadmin-imut, online-ikut nalunaarfissaasumut ikineqarput. Kommuneqarfik Sermersuup nittartagaani linki atorlugu speedadmin-mut isertoqarsinnaavoq, tassanilu fagit neqeroorutaasut takuneqarsinnaapput, nalunaarnissamullu linkeqarluni.

Ilanngussani qulequttanut ilanngunneqarsimasunut innersuussilluni oqaatigineqarsinnaavoq, makkunani neqerooruteqartoqartoq:

- Paamiut meeqqanut inersimasunullu holdinik ukioq nutaaq aallartippat aallartittoqassaaq, ukioq manna aningaasat atugassiissutaasut atoreermata
- Ittoqqortoormiit meeqqanut holdit sisamat
- Nuuk meeqqanut holdit 19 - inersimasunut holdit arfineq marluk
- Tasiilaq meeqqanut holdit pingasut
- Sermiligaaq meeqqanut holdi ataaseq
- Tiilerilaaq meeqqanut holdi ataaseq

Susasaqartitsinermit immikkoortortap ataavartumik inoqarfinni tamani holdiliortoqarsinnaanersoq misissortarpaa. Atuartitsissarsiorarneq ilungersunartuusarpoq, minnerunngitsumik inoqarfinni mikinerusuni. Holdit aallartittussat suli ilaqarput, taakkulu suli inissivinnatik.

Nuummi holdit linkimi takuneqarsinnaapput:

<https://glsermersooq.speedadmin.dk/registration#/courselist/140>

Ingerlatsivimmit aningaasatigut sulisoqarnikkullu naliliinerit

Sunngiffimmi atuartitsisarnerit immikkut kontoqarput konto siunertaq (formål) 0801010000

Sunngiffimmi atuartitsineq.

Suliffeqarfirmut Kiffartuussivimmit aningaasatigut nalilii

Pisariaqanngilaq.



Inatsisitigut tunngavissaq allakkallu tunngaviusumik uppersaatillit

- Kulturikkut ingerlatsineq sunngiffimmilu sammisaqartitsineq pillugit Inatsisartut peqqussutaat nr 5, 6 maj 2016-imeersoq.

Siusinnerusukku aalajangiineq

Meeqqanut Atuarfeqarnermullu Ataatsimiititaq 25.10.23:

Ilisimatitsissut tusaatissatut tiguneqarpoq.

Ilannussat

1. Sunngiffimmi atuartitsinerit takussutissaat

Punkt 4: Meeqquerivinnut utaqqisut pillugit ilisimatitsissut 2023-mi kvartalit pingajuat

Beslutning

Ilisimatitsissut tusaatissatut tiguneqarpoq.

Meeqqerivinnut utaqqisut pillugit ilisimatitsissut 2023-mi kvartalit pingajuat

Ilisimatitsissut

SagsID.: EMN-2023-03645

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- Kommunalbestyrelsimut ilisimatitsissutitut ingerlateqqinneqassasoq

Suliamik saqqummiineq

Meeqqanut sulii atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersumi § 8, imm. 3 naapertorlugu qinnuteqartut tamarmik kommunimi meeqqerivinni aamma angerlarsimaffimmi paarsisartuni inissaqanngippata kommunalbestyrelsip utaqqisut allattorsimaffiannik pilersitsinissaq pisussaaffigaa. Utaqqisut allattorsimaffii aamma kommunip atuareersunut paaqqinniffiini atuupput.

Takussutissiaq 1-imi ataaniittumi takuneqarsinnaavoq Kommuneqarfik Sermersuumi oktobarip ulluisa sisamaanni 2023-mi ulluunerani neqeroorutitut utaqqisut allattorsimaffiat. Kisitsisit piviusunik takutitsisuupput, imaappoq meeqqat ukiui naapertorlugit ulluunerani neqeroorutiniinnissamut neqerooruteqarfigineqarsinnaasut. Siusinnerusukkat kisitsisini takuneqarsinnaasarpud meeqqat tamarmik utaqqisut allattorsimaffiiniittut, meeqqat allattorsimaffimmut allatsissimasut kisiannili ukiumikkut aallartinnissamut sulii piariinngitsut ilanngullugit. Taamaattumik utaqqisut allattorsimaffianni kisitsisit eqqornerusut pissarsiariniarlugit, ingerlatsiviup siunissami ukiumoortumik ilisimatitsissutini kisitsit piviusunik takutitsisut aallaavigisalissavai.

Takussutissiaq Kommuneqarfik Sermersuumi ulluunerani neqeroorutitut 1: utaqqisut allattorsimaffiat ulloq: 4. oktobari 2023

Sumiiffik	Meeraaqq erivik	Meeqq erivik	A K O	FR O	Atuareernerup kingorna ornittagaq	Angerlarsimaffimmi paaqqinnittoqarneq/ Nunaqarfinni neqeroorutit	Angerlarsim affimmi paaqqinnittarneq	Katillugit
Nuuk	49	14	37	27			0	127
Paamiut	0	0			0			0
Tasiilaq	1	1			0			2
Ittoqqortoormiit	0	0			0			0
Kapisillit					0	0		0
Qeqertarsuatsiaat					0	0		0
Arsuk						0		0
Kulusuk						3		3
Tiilerilaaq						2		2
Kuummiit						6		6
Sermiligaaq						3		3
Isertoq						0		0

Katillugit	50	15	37	27	0	14	0	143
------------	----	----	----	----	---	----	---	-----

Boksip qasertup neqeroorutip sumiiffimmi pineqartumi neqeroorutaannginnera takutippaa.

Takussutissiami takuneqarsinnaavoq meeqqat 143-t utaqqisut allattorsimaffianniittut, amerlanersaallu 127-t Nuummiittut. Tassa utaqqisut allattorsimaffianni meeqqat allatsissimasut tamarmik 88%-iisa amerlaqataat.

Aamma takuneqarsinnaavoq kommunimi meeqqat utaqqisut allattorsimaffiannut allatsissimasut amerlanersaat tassaasut meeraaqqerivinnut allatsissimasut. Utaqqisut allattorsimaffianni meeqqanit 143-nit 50-it meeraaqqerivimmuut utaqqisuupput.

Taava aamma takuneqarsinnaavoq, Nuummi meeqqat 37-t aamma 27-t AKO-nut aammalu FRO-nut utaqqisuniittut.

Meeqqat AKO-nut utaqqisut allattorsimaffianniittut amerlassusaat peqquteqarput pingaartumik, AKO-t tamarmik ataasiakkaarlutik Nuummi atuarfinnut assigiinngitsunut attuumassuteqarmata. Imaappoq, AKO-mi inissaqanngippat, meeqqap atuarfianut attuumassuteqartumi, taava meeraq AKO-mut allamut nuutinneqarsinnaanngilaq, kisiannili utaqqisut allattorsimaffiannut inissinneqassalluni, meeqqap atuarfianut attuumassuteqartumut AKO-mi inissaqalernissaata tungaanut.

FRO-mut utaqqisut allattorsimaffeqarnerannut peqqutaavoq pingaarnertut 2022-mi aalajangerneqarmat Fritidshjemmet Aqqaluk matuneqassasoq tassunga atatillugu inissanik nutaanik arfineq pingasunik immikkut ittunik pisariaqartitsisunut pilersitsisoqarnissaa eqqarsaatigalugu. Tamatuma kingunerisaanik fritidshjemmet Aqqaluup meeqqanut inissaatai 70-iniit 40-nut ikilineqarput, tassa FRO-mi inissatk 30-t, AKO/FRO-mi inissanik arfineq pingasunik taarserneqarput. Kisianni misilittakkat malillugit FRO-mi inissat ukiariartorerani nalimatsereertarput, taamaasilluni ukiup atuarfiusup sinnerani Nuummi FRO-ni marluusuni inissaqalersarluni.

Ataatsimut isigalugu utaqqisut tamaasa eqqarsaatigalugit utaqqisut allattorsimaffiinut tunngatillugu, ingerlatsiviup siullermik erseqqissaatigissavaa, utaqqisut allattorsimaffiini allatsissimasut amerlassusaat ukiumiit ukiumut aammalu ukiup qanoq ilineraniit ukiup qanoq ilineranut allanngorarsinnaasarmata. Ataatsimut isigalugu imaappoq, Nuummi utaqqisut allattorsimaffii septembarimiit meeqqat atualinnginnerminni AKO-nut nuukkiartorerat ilanngullugu ukiup tulliani amerlanerusarput.

Tamatuma saniatigut Meeqqanut Atuarfeqarnermullu Ingerlatsiviup pissutsit assigiinngitsut, Nuummi pingaartumik meeraaqqerivinnut utaqqisunut allattorsimaffiup sooq taamatut isikkoqarnera pillugu, nassuiaataasinnaasut taasinnaavai. Tamanna ilaatigut innuttaasut illoqarfinniit, nunaqarfinniit kommuniniit imaluunniit nunanit allaniit Nuummut nuuttarnerannik kiisalu ilinniareerlutik Nuummut uteqqittarnerannik pissuteqarsinnaavoq. Tamatuma saniatigut aamma illoqarfimmuut nutserneq utaqqisut allattorsimaffiannik annertusaaqataavoq.

Utaqqisut allattorsimaffii pillugit aamma alla pissutaasoq tassaavoq utaqqisut allattorsimaffii amerlavallaartunik utaqqisuuteqarnerannik arlalitsigut ajornartorsiuteqalersinnaanerat. Tamanna pisarpoq, meeraaqqerivimmi meeraq ataaseq arlalilluunniit, meeqqerivimmuut nuunnissamut piareersimasut, kisiannili meeqqerivimmi meeraaqqerivimmiittuutitut akiliunneqarluni inissanik peqanngitsillugu. Assersuutigalugu meeqqat meeraaqqerivimmiittut meeqqerivimmi inissaqalernissaasa tungaanut meeraaqqerivinnut utaqqisut allattorsimaffianniitsinneqartarput allattorsimaffinneereersut inissaannik tiguisillutik.

Meeqqanut Atuarfeqarnermullu Ingerlatsiviup utaqqsut allattorsimaffii qaammatikkaartumik malinnaaffigisarpai, utaqqsullu allattorsimaffiini allatsissimasut ikilisartuarnissaat ataavartumik sulissutigisarlugu, pingaartumik Nuummi meeraaqqerivinni inissanut ulluunerani neqeroorutitut tunngasortaa. Tassunga ilanngullugu aamma Nuummi utaqqsunut allattorsimaffimmiittut ikileriaateqarnissaat Ingerlatsiviup naatsorsuutigivaa, Nuummi atuariup nutaap eqqaani nutaamik ulluunerani paaqqinnittarfiup ammarneqarneratigut. Meeqquerivik nutaaq aallaqqaataani ataatsimut isigalugu meeraaqqerivimmi ininut sisamanut (inissat 48-t) aamma meeqqerivimmi ininut marlunnt (inissat 40-t) inissaqassaaq, piffissallu ingerlanerani meeqqeriviit initai pingasunngussapput meeraaqqeriviillu initai aamma pingasunngussallutik.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-imeersoq

Siusinnerusukkut aalajangiineq

Meeqqanut Atuarfeqarnermullu Ataatsimiititaq 25.10.23:

Ilisimatitsissut tusaatissatut tiguneqarpoq.

Ilangussat

Soqanngilaq.

Punkt 5: Nuummi akunnittarfiit inissisimaffii

Beslutning

Ilisimatitsissut tusaatissatut tiguneqarpoq.

Justus Hansen (D) nal. 12:20 ataatsimeeqataalerpoq.

Bilag

Tusarniaanermut akissutininik suliaqarneq

Tusarniaanermi akissutit tiguneqartut

Nuummi akunnittarfinnut inissiiffissaasinnaasut

Nuummi akunnittarfiit inissisimaffii

Inissisimaffissaannut siunnersuut, innuttaasunik peqataatitsineq ingerlanerlu

Ilisimatitsissut

SagsID.: EMN-2022-09179

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliamik saqqummiineq

Nuummi akunnittarfiit inissiffissaannut siunnersuummut atatillugu innuttaasunik akuutitsinerup inerneru Sanarfinermut Avatangiisinullu Ingerlatsivimmit matumuuna saqqummiunneqarpoq.

Akunnittarfinnut inissisimaffissatut Kommuneqarfigami siunnersuutigineqartut soqutigisaqaqatigiit assigiinngitsut siunnersuuteqarnerisigut alutornassuseqartutut naleqarneri aamma isertunut misigisaqartitsisinnaaneri minnerunngitsumillu illoqarfirmut ataqatigiissarneqarnissaa tunngavigalugit saqqummiunneqarsimapput. Ingerlatsivimmit erseqqissaatigineqarpoq, takornarialerinerimik ineriartortitsineq illoqarfiup innuttaasullu ineriartortinneqarnerat naapertorlugu pissasoq. Taamaattumik inissisimaffissatut siunnersuutigineqartut tamarmik immikkut piukkunnaateqarput.

Peqataatitsinermi inissiiffissat arfinillit innuttaasunit Kommuneqarfiga aqqutigalugu isummerfigineqarsinnaasut pineqarput. Ingerlatsivimmi paasineqarpoq, kommunimiit Facebookikkut saqqummiunneqartut innuttaasunit oqaaseqarfigineqarsimasut taakkuli tusarniummut akissutitut tunngasunik ingerlatsivimmi suliaqarnermi ilaatinneqarsinnaanngillat. Kommuneqarfiga aqqutigalugu akissutit 25-upput, taakkunungalugu atatillugu ingerlatsivimmi ima inerniliisoqarluni:

1. Inissiivissatut innuttaasunit piukkunneqarnerpaajupput 3 Samuel Kleinschmidt Aqquataa, 5 Mittarfimmi akunnittarfik aamma 6 Qingorput
2. 2 Saqqarliit akerliuffigineqarnerpaajuvoq

Akunnittarfiit inissinneqarnissaannut tunngasunik peqataatitsinermut atatillugu innuttaasut tikkuusseqataasinnaapput. Nutaatut inissat tallimat siunnersuutigineqarput, ilaatigut pineqarlutik sumiiffiit arlallit pilersaarutissatut qinnuteqaatinik akuersissuteqarfioersut.

Matuma siuliini pineqartut tunngavigalugit akunnittarfinnik inissiivissat ingerlatsivimmit iluarsiissuteqarfigineqarput (ilannugsaq 3)

Sulinerup ingerlateqqinnera

Sulinerup ingerlateqqinnerani Nuummi akunnittarfiutillit attuumassuteqartut soqutigisaqaqatigiillu ataatsimiitinneqassapput. Soqutigisaqaqatigiit tassani periarfissinneqassapput inissiiviusinnaasunik toqqarneqarsimasunik oqaaseqarfiginninnissaminnut kiisalu akunnittarfiuteqarnissamut piukkunnarsinnaasunik sumiiffiusinnaasunik siunnersuuteqarsinnaallutik.

Tamatuma kingorna sumiiffiit pilersaarummut tapiliussaliorfiusinnaasunik ingerlatsivimmi allattuiffiliortoqarsinnaavoq, tassuuna nunaminertanik atorneqariaannaasunik aamma/imaluunniit siunertamut siunissami pilersaaruteqarnermi qinnuteqarfiusinnaasunik nalunaaruteqarsinnaanissaq periarfissaasinnaaqullugu. Kingullermut tunngatillugu inatsisitigut periarfissaatitsisumik aaqiisoqarnissaa pisariaqassaaq.

Tassungalu ilutigalugu sumiiffinnik ataasiakkaanik suliarinnittoqarnikuuvoq:

Inissisimaffik 4 Tuapannguit isuanni. Pilersaarummut tunngavissamik nutaamik suliaqartoqarpoq, taannalu tamanut tusarniaassutigineqareerpoq. Taamaalilluni nunaminertaq kommunalbestyrelsimit aggustip 29-ani akuerineqariarpat atorneqariaannangortutut saqqummiunneqarsinnaalissaaq.

Inissisimaffik 5 Mittarfimmi akunnittarfik: Pilersaarummut tunngavissamik immikkut suliaqartoqarnikuuvoq, taannalu mittarfiup nalaani akunnittarfiliortoqarsinnaaneranut periarfissaqalersitsivoq. Pilersaarummut tapiliussatut siunnersuut mittarfiliornissamut akuersissummik pigisaqartut suleqatigalugit pivoq. Pilersaarummut tapiliussaq tamanut tusarniutigineqareernermini politikikkut akuersissutigineqassappat nunaminertaq atorneqarsinnaasutut saqqummiunneqassaaq.

Innuttaasunik, soqutigisaqaqatigiinnik inuussutissarsiutilinnillu peqataatitsineq
Innuttaasut, soqutigisaqaqatigiit inuussutissarsiortullu illoqarfiup ineriartortinneqarneranut peqataanissaat pingaaruteqarpoq, aamma kommunimi pilersaarusionerimi najukkami pissutsit qanoq ittuunersut pillugit ilisimasaqarnissaaq pingaaruteqarpoq. Taamaattumik ingerlatsiviup, siunissami allaffissornikkut sulinermini inissisimaffissat avammut saqqummiunneqarnerinut atatillugu soqutigisaqaqatigiit ataatsimiitinneqarneritigut peqataatsinerimi siunnersuutit tiguneqartut ilanngullugit suliarissavai. Ingerlatsivik politikerinut ilisimatitsillattaassaaq.

Ingerlatsivimmit aningaasatigut sulisoqarnikkullu naliliinerit

Qulaani pineqartunik suliaqarnermi sulisoqarnikkut qanoq sunniuteqarumaarnerannut suliniutit qassit nalilersorneqassanersut apeqqutaassapput siunissamilu ungasinnerusumi kommunimut pilersaarummut tapiliussaliatut suliarineqartassallutik.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersaarusionermeq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 18.09.23:

Inassuteqaat akuersissutigineqarpoq.

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Nuummi akunnittarfinnut inissiiffissaasinnaasut

Punkt 6: Imigassanik aalakoornartulinnik sassaallersinnaanermut akuersissummut type B-mik qinnuteqaammut akuersineq

Beslutning

Inassuteqaat akuersissutigineqarpoq.

Bilag

Tjeklisti

Niuerfiup suleriaasia

Imigassaq pillugu politikki

Kalallit Nunaanni Politiit

Meeqqanut Ilaqutariinnullu Ingerlatsivik

Meeqqat Atuarfeqarnermullu Ingerlatsivik

Sanarfinermut Avatangiisinullu Ingerlatsivik

Imigassanik aalakoornartulinnik sassaallersinnaanermut akuersissummut type B-mik qinnuteqaammut akuersineq

Aalajangiiffigisassaq

SagsID.: EMN-2023-04018

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- imigassamik aalakoornartortalimmik sassaallersinnaanermut akuersissummik type B-mik qinnuteqaat niuertarfik Smile Thai Massage & Beaty, Meena Manley-mit akuerineqassasoq

Suliassamik saqqummiussineq

Suliffeqarfimmut Kiffartuussivimmit Meena Manley-mit niuertarfirmut Smile Thai Massage & Beaty, Jens Kreutzmannip Aqqutaa 2, 3900 Nuuk, imigassamik aalakoornartortalimmik sassaallersinnaanermut type B-mik qinnuteqaat tiguneqarpoq.

Imigassaq pillugu Inatsisartut Inatsisaat nr. 35, 23. november 2017-imeersoq naapertorlugu imigassamik sassaallersinnaanermut akuersissummut qinnuteqarnermik paasissutissat tamarmik Suliffeqarfimmut Kiffartuussivimmit pissarsiarineqareerput.

Tamatuma saniatigut qinnuteqaat Kalaallit Nunaanni Politiinut, Qatserisartoqarnermut Oqartussaasunut, Meeqqanut Ilaqutariinnullu Ingerlatsivimmut, Meeqqat Atuarfeqarnermullu Ingerlatsivimmut aammalu Sanarfinermut Avatangiisinullu Ingerlatsivimmut tusarniaassutigineqarpoq, taakkulu oqaaseqaatissaqanngillat.

Suliffeqarfimmut Kiffartuussivimmit qinnuteqartoq Meena Manley aammalu niuertarfik Smile Thai Massage & Beaty imigassanik aalakoornartortalimmik sassaallersinnaanermut akuersissummik type B-mik tunineqarnissaanut piumasaqaatinik naammassinnittut nalilerneqarpoq.

Imigassaq pillugu akuersissutit ukiunut pingasunut atuuttusanngorlugit tunniunneqartarput.

Kommuneqarfik Sermersuumi Kommunalbestyrelse tunngaviumik akuersissuteqartarnermut atatillugu politikki malillugu imigassamik sassaallersinnaanermut qinnuteqaatinut itigartitsinermit tulliuttut tunngavigineqartarput:

- Suliffeqarfinni kantiinat imigassaqarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffisorniarfiit aamma grillbarit sassaalliisarfiillu assigisaat imigassanik kimittuunik tuniniaasussaasariaqanngillat. Taamaattorli sassaallertartut imigassanik kimikitsunik sassaallertarnissaat Kommunalbestyrelsimit aalajangerneqarsinnaavoq

Sulialli ataasiakkaat naliliiffigineqartassapput aalajangersimasumik nalilersuinissamut periarfissaqartassammat.

Kommuneqarfik Sermersuumi imigassamik sassaallersinnaanermut akuersissuteqarnermik aalajangersimasumik periusaavoq akuersissuteqartarnermut atatillugu Kommunalbestyrelsip politikkini malillugu assigiissaarinissamut toqqammaviusoq tulliuttut tunngavigalugit allatut aalajangiissalluni:

- Najugaqarfiit eqqaanni sassaalliisarfiit nutaat Kommunalbestyrelsimit illoqarfiup pilersarusiorneqarnera naapertorlugu itigartissallugit nalunaarfigisinnaavai

- Sumiiffinni arlalinnik sassaalliisarfeqartoqarpat Kommunalbestyrelsimit itigartitsissutigineqarsinnaavoq, assersuutigalugu nutaamik sassaalliisartoqalerpat akuersissutinik peqartut akornanni unammillernissaasa annertusinissaat taamaalillutillu sakkortunerusumik periuseqarlutik sassaalliiniarnerat pisinnaasoq annilaanngatigineqarsinnaammat

Pisuni allani tamakkiisumik naliliinerit tunngavigalugit imigassartornermi naleqquttumik ileqqoqarnissap qulakkeerneqarnissaanut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq. Inuit ataatsimoortarfeqarnerat tunngavigalugu Kommunalbestyrelsimit itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakuummatami inuusuttunit ornigarneqarluartut

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

Suliffeqarfimmut Kiffartuussivimmit aningaasatigut naliliineq

Pingaaruteqanngilaq.

Inatsisitigut tunngavissaq allakkallu tunngaviusumik uppersaattallit

- o Inatsisartut Inatsisaat nr. 35, 23. november 2017-imeersoq
- o Imigassaq pillugu Inatsisartut inatsisaata allanngortinneqarnera pillugu Inatsisartut inatsisaat nr. 9, 12. juni 2019-imeersoq
- o Inuit imigassanik aalakoornartulinnik nioqquteqartarfiit sassaallertarfiillu aqqissuunneqarneri atornerarnerilu pillugit Namminersornerullutik Oqartussat Nalunaarutaat nr 19. ulloq 29. marsi 1990-imeersoq
- o Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- o Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlulit Oqartussat nalunaarutaat nr. 4, 4. marsi 2011-meersoq
- o Imigassaq pillugu politikki, Kommuneqarfik Sermersooq, oktobari 2020

Ilangussat

1. Tjeklisti
2. Niuerfiup suleriaasia
3. Imigassaq pillugu politikki
4. Kalallit Nunaanni Politiit
5. Meeqqanut Ilaqutariinnullu Ingerlatsivik
6. Meeqqat Atuarfeqarnermullu Ingerlatsivik
7. Sanarfinermut Avatangiisinullu Ingerlatsivik

Punkt 7: Pitsaassusilerinermut immikkoortortaq

Beslutning

Inuit Ataqatigiit aamma Demokraatit aaqqissuut C akuersissutigaa.

Siumut taaseqataannilaq.



Pitsaassusilerinermut immikkoortortaq

Aalajangiiffigisassaq

SagsID.: EMN-2023-00453

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- aaqqiissutissaq a, b imaluunniit c akuersissutigineqassasoq

Suliassamik saqqummiussineq

Kommunip suliassaraa innuttaasunut piffissamut naleqquttumik sullississalluni inatsisit, malittarisassat najoqqutassallu atuuttut naapertorlugit, taamattaq kommunimit suliat pitsaassusissaannik allaaserisat naapertorlugit. Kommuneqarfik Sermersooq ingerlatsivinni assigiinngitsuni tallimani 2.300-t pallillugit sulisoqartoq aamma inatsisit tunngavigalugit ikiorsiissutinik amerlasuunik tunniussisussaataasooq, kommunip aningaasaqarneranik ingerlatsiutugaluni illuatungaani inatsisit akuerisaasut aamma malittarisassat aalajangersakkat akornanni tatineqarsinnaasarpooq. Taamaattumik ingerlatsiviit ataasiakkaat suliamut tunngasumik ikiorserneqarnerat pisariaqartinneqartarpoq, malittarisassat atuuttut nassuiarneqarnissaannut ikiorserneqarnissamik pisariaqartitsisoqaleraangat. Saniatigut pingaaruteqarpoq politikerit malinnaatittuarneqarnissaat, ajornanngippat qaammatit pingasukkaartumik kommunalbestyrelsimut naatsorsuutit aqutugalugit.

Taamaattumik atuuffimmut piginnaasallit sulisut piukkunnaatillit imaluunniit immikkoortortaq immikkut ittoq pisariaqartinneqarpoq, taanna qulakkeerineqataassaaq aaqqiissuussanik pitsaassutsinik qulakkeerinernik pilersitsisinnaasunik, suliffeqarfimmi namminermit sulianik ingerlatseriaatsit pitsanngorsarnerannik isumaginnissinnaasunik, tamanna kiffartuussinermik aamma ikiorsiissutinik, aqutsinermik, ingerlatsinermik aamma suleriaatsinik, suliffimmi atugassarititaasunik soorlutaaq inatsisit atuutsinneqarnerannut tunngassuteqassaaq.

Kommunalbestyrelsip februaari 2023-mi aalajangernera tunngavigalugu, Suliffeqarfimmut Kiffartuussivik aaqqiissutissanik pingasunik siunnersuuteqarpoq.

Aaqqiissut a: Pitsaassutsimut immikkoortortamik pilersitsineq

Aaqqiissut taanna aqutugalugu immikkoortortavimmik pilersitsisoqassaaq pitsaassutsimik qulakkeerinernik aamma suliffeqarfimmi namminermit sulianik ingerlatseriaatsit pitsanngorsarnerannik suliaqartussanik. Pitsaassutsimut immikkoortortaq Aaqqiissuussamik pilersaarusiornermut Misissueqqissaarinermullu Immikkoortortami pilersinneqassaaq, aamma sisamanik aalajangersimasunik sulisoqassaaq taakkunanga minnerpaamik marluk inatsisilerituujussapput ilinniagaqarsimasut.

Iluaqutissat

Pitsaassutsimut immikkoortortakkut kommunip ingerlatsiviinut ingerlaavartumik aamma aalajangersimasumik ikiorsiineq qulakkeerineqassaaq. Suliat tamavimmik qitiusumut ataatsimut ataatsimit akisussaaffigineqarlutik katersorneqarnerat ima kinguneqassaaq, nammineq ingerlatseriaatsini piusuni ajornartorsiutaasinnaasut kiisalu inatsisinik maleruaqqusanillu malinninngitsoonerit tamakkiisumik nakkutigineqarsinnaanerit. Immikkoortortaq aaqqiissuussaanikkut aamma allaffeqarnikkut Suliffeqarfimmut Kiffartuussivimmi aqutsisunut qanittumut inissinneqarsinnaavoq, taamaaliornikkullu suliffeqarfimmi sammisat naapertuuttut

pitsaanerusumik ingerlateqqinneqarsinnaanerat qulakkeerneqarluni. Ilanngullugu sulisunik atorfinitsitsisoqarsinnaavoq malittarisassanik atuuttunik nassuiaanermik kiisalu pisortat suliffeqarfiutaanik anginerumaartumi ingerlatseriaatsinik pitsanngorsaanermik, anguniakkanik aqutsinernik, suliffeqarfimmik ineriartortitsinermik aamma sullissinermik misilittagaqartunik.

Eqqumaffigisassat

Immikkoortortamut sulisunik amerlanernik atorfinitsitsisoqassaaq, tamatuma nassataanik kommunimut aningaasartuutit amerleriaateqassapput. Taassuma saniatigut atorfinnut eqqortunik piginnaasalinnik sulisussarsisinnaaneq ajornartorsiutaasinnaavoq. Aammattaaq suliffeqarfimmi qitiusumik inissisimaneq, immikkoortortanut ataasiakkaanut ungasinnerulernermik kinguneqarsinnaavoq, tamatuma nassataanik ingerlatsiviit ataasiakkaat pisariaqartitaannik paasisimasaqarnissaq ajornarnerulerluni.

Missingersuutitut taggissaq:

Sulisunut aningaasartuutit ukiumut sulisinnaassutsit sisamat tamarmik ukiumut 500.000 koruuninik nalillit tagginneqarput, aningaasartuutit ataatsimut katillugit ukiumut 2 mio kr.-iullutik. Immikkoortortami aqutsinermut akisussaaffik Aaqqissuussamik pilersaarusiornermut Misissueqqissaarinermullu Immikkoortortami aqutsisumiissamat, immikkoortortamut aqutsisutut atorfimmik allamik atorfinitsitsisoqarnissaa pisariaqassanngilaq.

Aaqqiissut b: Suliffeqarfimmi namminermit ingerlatseriaatsinik pitsanngorsaasoqatigiit

Taamannak aaqqiinikkut kommunimi sulisooreersut arlallit namminneq kajumissutsiminnik ingerlatseriaatsinik pitsanngorsaanermik aamma anguniakkanik aqutsinermik aamma pitsaassutsimik qulakkeerinermik kommunimi malittarisassanik atuuttunik eqquutsitsinermik immikkut ukkassinertalimmik ilinniassapput. Sulisut ingerlatseriaatsinik pitsanngorsaasoqatigiinni ilaasut immikkoortortani ataasiakkaani pisariaqartitsisoqartillugu ikiuussinnaapput siunnersuillutillu. Ingerlatseriaatsinik pitsanngorsaasoqatigiit sulisunik aalajangersimasunik inuttaqassanngillat, pisariaqartitsinerli naapertorlugu katiterneqartassallutik, ass ingerlatsivimmit ingerlatseriaatsinik pitsanngorsaasoqatigiit suliassamik aalajangersimasumik ingerlatseqqullugit piunaffigineqaraangata.

Ingerlatseriaatsinik pitsanngorsaasoqatigiit aaqqissuussaannikkut aamma taamaattumik tamakkiisumik akisussaaffigineqarnerat Pisortaqatigiit Allatseqarfianni imaluunniit Aaqqissuussaannermut Ineriartortitsinermullu Immikkoortortamiissinnaavoq. Pisortaqatigiit Allatseqarfianni inissisimaneq ingerlatseriaatsinik pitsanngorsaanermik sulianut tamakkiisunillu periusissionermut iluaqutissartaqarsinnaavoq, kisianni Aaqqissuussaannermut Ineriartortitsinermullu immikkoortortami inissisimanermi ingerlatseriaatsinik pitsanngorsaasoqatigiit namminneq ingerlatsinerpiaat aamma suleqatigiinnut tunngasorpiaat suliarineranni unammillernartorsinnaapput. Immikkoortortat taakkua marluk akornanni akisussaaffimmik aamma suliassanik agguataarinermik suliaqartoqarsinnaavoq. Ingerlatseriaatsinik pitsanngorsaasoqatigiit aaqqissuussaannermi inissisimaffissaat politikikkut akuersissutigineqartariaqarpoq.

Iluaqutissat

Kommunimit sulisunik pitsaassutsimik qulakkeerininnermik taamaallaat sulialinnik atorfinitsitsinissaq pinngitsoortinneqassaaq. Saniatigut inatsisit, najoqqutassat aamma ingerlatseriaatsimi ileqqorissaarnissaq pillugit ilisimasat immikkoortortanut ataasiakkaanut anngunneqartarnissaat qulakkeerneqassaaq. Ingerlatseriaatsinik pitsanngorsaasoqatigiit sulitillutik namminneq suliassaqarfimminnit misilittakkaminnik atorluaasinnaapput, aamma ingerlatsiviit assigiinngitsut akornanni ilisimasaminnik avitsillutik. Taakkua saniatigut ingerlatsinermik pitsanngorsaasoqatigiit pisariaqartitsineq naapertorlugu sulisinneqarsinnaapput, taamaattumillu



pitsaassutsimik qulakkeerinninnermut nalunaaquttap akunneri sulinnermut atukkat, naleqqussartuarneqarsinnaapput.

Eqqumaffigisassat

Naak ingerlatsinermik pitsanngorsaasoqatigiinni sulisut suliassamik tassannga taamaallaat ingerlatsisussatut atorfinitsinneqarsimanngikkaluarlutik, naatsorsuutigineqarsinnaassaaq, ingerlatsinermik pitsanngorsaasoqatigiinni suliaat piffissamik atuiffiussasut taamaattumillu nalinginnaasumik suliassarisaannit nukissanik paaassasut. Taamaattoqarnera immikkoortortaqaqarfinni atuuffigisaasa tatineqarnerannik taamatutaaq suliassat amerlanerulernerannik kinguneqartitsisinnaavoq, imaluunniit sulisut suliassaminnik pingaarnernik pingaartitsinnginnerulernerannik. Sulisut ingerlatsinermik pitsanngorsaasoqatigiinnut ilanngunnarlutik ilinniarnermik ingerlatsisimasut, namminneerlutik suliassamik aalajangersimasumik ingerlatsisinnaallutik nalunaartassappata, ingerlatsinermik pitsanngorsaasoqatigiinni suliassaq sulisup pingaarnertut suliassaanit tunulluunneqarsinnaanera aarlerinarsinnaavoq. Taamaattumik sulisup ingerlatsinermik pitsanngorsaasoqatigiinni qanoq tunniusimatiginissaanik qanorlu annertutigisumik sulinissaanut tunngatillugu naatsorsuutit nalimmassarneqareersimanissaat pingaaruteqarpoq, aamma sulisut aqutsisuiunut tunngatillugu.

Aammattaaq sulisoq nalinginnaasoq ingerlatsinermik pitsanngorsaasoqatigiinni ilaasoq, aalajangersimasumik piffissarlu tamakkerlugu suliassaqaqarfirmiini suliامت tunngasumik ingerlatsisutut suliassaminut immikkut ilisimasaqarlualersimasutut piginnaasaqarnissaa naatsorsuutigineqarsinnaanngilaq. Naggataatigut oqaatigineqassaaq ingerlatsinermik pitsanngorsaasoqatigiinnut ataavartumik peqataatitsinissap qulakkeerneqarnissaa unammillernartortaqaarsinnaammat, immikkoortortani ataasiakkaani sulisut nikerarnerisa nassataanik, ingerlatsinermik pitsanngorsaasoqatigiinni ilaasussanik sulisunik nutaanik ilinniartitsineq aningaasartuutit malunnaatilinnik kinguneqarsinnaammat.

Missingersuutitut taggissaq:

Aningaasartuutissanut 250.000 kr.-it missaat tagginneqarput sulisunik ingerlatsinermik pitsanngorsaasoqatigiinnut ilanngutsitsiumalluni ilinniartitsinermut atugassatut, siusinnerusukkut assingusunik ilinniartitsinermik misilittakkat tunngavigalugit aningaasat amerlassusilerneqarput, taakkunani sulisunik ilinniartitsinermut atatillugu avataaniit siunnersortinik isumaqatigiissusiortoqartarsimavoq.

Aningaasat sulisut 30-t missaasa ilinniartinneqarnerannut imaluunniit sulisut qulit missaasa annertusisamik ilinniarnermik ingerlatsinissaannut matussusiisinnaasutut naatsorsuutigineqarput. Taakkua saniatigut ingerlatsinermik pitsanngorsaasoqatigiit piginnaasanik attassiinnarnissaannut sulisunik nutaanik ilinniartitsinernut ukiumoortumik aningaasartuuteqartuarnissaaq naatsorsuutigineqassaaq, tassa sulisut akornanni suliunnaartoqarnera naatsorsuutigineqartussaajuarmat. Tassunga aningaasartuutissat siumungaaq erseqqissumik taaneqarsinnaanngillat.

Aaqqiissut c: Suliat ingerlanerinek pitsanngorsaaneq suleqammit avataaneersumit sularineqartog

Aaqqiissutissatut siunnersuut tamanna, imaluunniit tamassuma ilaa, ilaatigut ilanngunneqarsinnaavoq tapiliussamat imaluunniit aaqqiissutissaaq a imaluunniit b-mut akulerullugu.

Suliat ingerlanissaannut pitsanngorsaaneq avataaneersumit sularineqartussaaq isumaqatigiissuteqarnissamat siunertaavoq, suliassaqaqarfirmi ataatsimi pitsaassutsimik suliannillu naammassinninniarnermik pitsanngorsaaneq. Suliat ingerlanissaannut pitsanngorsaaneq isumaqatigiissuteqarnermi, immikkut ukkatarineqarsinnaavoq suliassaqaqarfik ataaseq imaluunniit suliat immikkuullarissut.



Suliamik imaluunniit immikkoortumik aalajangersimasumik avataanit sulisoqarnissamik isumaqatigiissuteqarnermik inniminniineq pisortaqaqatigiinnit imaluunniit Aningaasaqarnermut Inuussutissarsiornermullu Ataatsimiititami isumagineqassaaq. Kommuneqarfik Sermersooq siornatigut suliassanut assingusunut assersuutigalugu eqqartuussissuserisut ingerlatsiviat Komponent isumaqatigiissuteqarfigisarpaa.

Iluaqutissat

Kommuneqarfik Sermersuup aaqqiissutissami tassani qulakkiissavaa, suliamik ingerlatsinermik pitsanngorsaanerup kinaassusersiunngitsumik, suliaticullu ilisimasalittut tunngaveqartuunissaa.

Eqqumaffigisassat

Naak suliatic ingerlasarnerisa pitsanngorsarnissaat suleqammit avataaneersumit ingerlanneqaraluartut ingerlatsiviit ataasiakkaat taakkulu suleqataasa qanimut suleqatiginerisigut ingerlanneqassagaluartut, suleqatigisaq avataaneersooq ingerlatsivimmi ileqqorineqartunik paasisimasaaqarlunissamik paasinnissamillu amigaateqarsinnaavoq.

Missingersuutitut taggissaq:

Kiffartuussinernut taakkununga aningaasartuutit katinnerat siumungaaq tagginneqarsinnaanngillat, isumaqatigiissut aalajangersimasooq pineqarmat, avataani suleqatigisat suliassamik ataatsimik ingerlatseqqullugit inniminnerneqarlutik suliassanut ataasiakkaanut akilerneqartarmata.

Ingerlatsivimmit aningaasatigut sulisoqarnikkullu naliliinerit

Qulaani ilaatinneqarput.

Suliffeqarfimmut Kiffartuussivimmit aningaasatigut naliliineq

Ingerlatsiviup innersuussutigaa siunnersuutinut ataasiakkaanut aningaasaliissutit ingerlatsiviup maannakkut missingersuutitigut aningaasaliiffigineqarneranit nassaarineqassasut. Tamanna pisinnaanngippat, innersuussutigineqarpoq aningaasaliissutit ilaneqarnissaanik qinnuteqartoqassasooq, inaarutaasumik aningaasartuutissat ilisimaneqaleriarpata ingerlaannaq pisussatut.

Inatsisitigut tunngavissaq allakkallu tunngaviusumik uppersaatillit

- Kommunalbestyrelsen aalajangerana 14 februar 2023-meersoq
- Kommunit aqunneqarnerat pillugu Inatsisartut inatsisaat nr. 29, 17. november 2017-meersoq

Ilanngussat

Soqanngilaq.

Punkt 8: Qinigaaffiup sinneranut politikikkut ataatsimiiffissat

Beslutning

Inassuteqaat akuersissutigineqarpoq, ima allannguutitalerlugu:

Aningaasaqarnermut Inuussutissarsiornermullu Ataatsimiititaq nal. 14:00 ataatsimiittassaaq.

Bilag

Qinigaaffiup sinneranut politikikkut ataatsimiiffissatut siunnersuutit

Qinigaaffiup sinneranut politikikkut ataatsimiiffissat

Aalajangiiffigisassaq

SagsID: EMN-2023-04389

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- ataatsimiititap qinigaaffiup sinneranut ataatsimiiffissai akuerineqassasut

Suliassamik saqqummiussineq

Aqutsinermit inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalackersuisut ilisimatinneqassapput."

Aningaasaqarnermut Inuussutissarsiornermullu Ataatsimiititap suleriaasissaani §3-mi aamma allassimasoqarpoq "ataatsimiititap ataatsimiinnissani nammineq aalajangersartassavai".

Aningaasaqarnermut Inuussutissarsiornermullu Ataatsimiititap marlungornikkut nal. 12.00. ataatsimiittarnissaa siunnersuutigineqarpoq. 2024-mi ileqquusumik ataatsimiinnerit arfineq marlut ingerlanneqassapput.

Politikkikkut ataatsimiiffissat taamatullu ataatsimiinnerni oqaluuserisassat imaqarniliallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

Qinigaaffiup sinneranut politikikkut ataatsimiiffissat Naalackersuisunut nassiunneqassapput.

Ingerlatsivimmit aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Suliffeqarfimmut Kiffartuussivimmit oqaaseqaatit

Suliffeqarfimmut Kiffartuussivimmit oqaaseqaateqartitsisoqannigilaq, Suliffeqarfimmulli Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut ilaalu ilanngullugit taakku naleqqussarneqarniassammata.

Inatsisitigut tunngavissaq allakkallu tunngaviusumik uppernarsaatitallit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussaq

1. Qinigaaffiup sinneranut politikikkut ataatsimiiffissatut siunnersuutit

Punkt 9: 2024-mut missingersuutinik aappassaaneerinnineq

Beslutning

Inassuteqaat akuersissutigineqarpoq.

Bilag

Angusat pillugit takussutissaq

Aningaasalersuisarnerit takussutissartaat

Politikkikkut atorneqarsinnaasunik pingaarnersiuneq

Sanaartugassanut missingersuutit

Misissueqqaarnerit

Siunertat allaaserineqarneri 2023

2024-mi akinut allattorsimaffik aamma akigititassatut siunnersuutit



2024-mut missingersuutini aappassaaneerinnineq

Aalajangiiffigisassaq

SagsID.: EMN-2023-01436

Suliffeqarfimmut Kiffartuussivik – Kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu Ataatsimiititami inassuteqaatigineqarpoq:

- angusanut allannguutit tamarmik aamma aningaasalersuinermit takussutissat, takukkit ilanngussat 1 - 2, ataatsimut isigalugit akuersissutigineqassasut
- aningaasat atorineqarsinnaasut politikikkut pingaarnersiorneqarnerat, takuuk ilanngussaq 3, ataatsimut isigalugit akuersissutigineqassasut
- sanaartornermi allannguutissatut siunnersuutit tamarmik ataatsimut isigalugit akuersissutigineqassasut, takuuk ilanngussaq 4
- Misissueqqaarnerit tamarmik ataatsimut isigalugit akuersissutigineqassasut, takuuk ilanngussaq 5
- siunertanut allaatiginninnerit ataatsimut isigalugit akuersissutigineqassasut, takuuk ilanngussaq 6
- akigitit aamma akigititassanut siunnersuut ataatsimut isigalugit akuersissutigineqassasut, takuuk ilanngussaq 7
- akileraarutip procentia 26%-iutillugu akuersissutigineqassasooq
- missingersuutit suliarineqartut pingaarnersiuinerit ilanngullugit akuersissutigineqarnissaannik, aappassaaneerinninnissamut Kommunalbestyrelsimut inassuteqaatigineqassasut

Suliassamik saqqummiussineq

Allaffeqarfiup Aningaasaqarnermut Inuussutissarsiornermullu Ataatsimiititap 2024-2027-imut inaarutaasumik missingersuusiordernerat atatillugu arlalinnik allagaqarpoq suliamut saqqummiussissummut matumunnga ilanngunneqartunik.

Allakkat Aningaasaqarnermut Inuussutissarsiornermullu Ataatsimiititami 2024-2027-imut ataatsimoortumik Missingersuutissatut siunnersuutaapput, missingersuutinillu isumaqatigiissummik tunngaveqarput partiit suleqatigiit 01. novembari 2022-mi isumaqatigiissuteqarnerannit.

2024-mut missingersuutini nalinginnaasumik ingerlatsinermi 384 mio. koruuninik sinneqartooruteqarpoq, ataatsimullu inernerit sanaartugassanut aningaasaliissutit kingorna 243 mio. koruuninik sinneqartooruteqartoqassaaq, taamalu missingersuutit pillugit inatsimmi aningaasaqarnikkut najoqqutassatut nalunaarutigineqartut naammassineqarlutik.

Missingersuutit	2024	2025	2026	2027
Isertitat	-2.512	-2.532	-2.500	-2.500
Ingerlatsinermut aningaasartuutit	2.105	2.078	2.078	2.078
Erniat (ernianut ilanngaattissat ilanngaatigereerlugit aningaasartuutit)	23	51	50	52
Nalinginnaasumik ingerlatsinermi angusat	-384	-404	-373	-371
Sanaartornermut aningaasaliinerit	141	219	188	98
Angusat katillugit	-243	-184	-185	-273



Aningaasaliissutitut takussutissaq (mio. kr.)	2024	2025	2026	2027
Ukiumi angusat (sinneqartoorutit)	-243	-184	-185	-273
Taarsigassarsineq	-10	-52	-68	0
Inissialiornermi taarsigassarsianik tunniussineq	112	100	100	100
Innuttaasut initaarnissamut taarsigassarsiaminnik akiliutaat	-25	-25	-25	-25
Taarsigassarsianut akilersuutit	12	24	20	28
Iserit taarsigassarsinissaanut aningaasaliissutit	11	31	11	
Aningaasaatit tigorianaanaat allanngornerat	-143	-107	-142	-169

Taamaalilluni 2024-mut missingersuutini ataatsimut inernerit kingunerisaanik karsimiittuutit patajaallisarneqarnissaanut 143 mio. koruunit immikkoortinneqarsinnaallutik.

2024-mut missingersuutini 20 mio. koruuninik ukiup missingersuusiorfiup ingerlanerani aningaasaqarnikkut unammilligassaqaratarnissaanut ingerlatsinermit sillimmatit ilanngunneqarput, tamatuma saniatigut 25 mio. koruuninik sanaartugassanut aningaasaliissutit pillugit aningaasaqarnikkut unammilligassaqaratarnissaanut sanaartugassanut sillimmatinik immikkoortitsisoqarpoq.

Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersumi §21 naapertorlugu ukiumoortumik missingersuutissat kommunalbestyrelsimi minnerpaamik sapaatip-akunnerisa marluk akornanni marloriarlugit suliarineqassapput.

Missingersuutit siullermeerneqarput Kommunalbestyrelsip oktobarip ulluisa pingajuanni 2023-imi ataatsimiinnerani, taavalu aappasaaneerneqassallutik novembarip ulluisa 21-anni 2023-mi.

Ataatsimoortumik angusat aamma aningaasalersuinissamut takussutissaq ilaatigut missingersuutissatut siunnersuutini arlalinni ilaapput taakkualu Kommunalbestyrelsip 2024-mut missingersuutit siullermeerlugit suliarineqarneranni akuerineqarput aamma kingornatigut politikkikkut siunnersuutit arlalissuit tiguneqarput.

Matumani suliassamik saqqummiussami ilanngussat allaffissornikkut missingersuutissatut siunnersuutinik, sanaartugassanut missingersuutinik, akinik allannguinernik aamma aappasaaneerinninnissamut politikkikkut pingaarnersiukkanik takutitsisuupput, taakkulu kommunip 2024-mut ataatsimut missingersuutissarivai.

Ingerlatsivimmit aningaasatigut sulisoqarnikkullu naliliinerit

Missingersuutit aqutsinermit atugassaapput, matumanilu allaffeqarfimmit politikerinillu missingersuutit, tassunga ilanngullugit imarisai piumasaqaatillu ilaasut, tutsuigineqarnissaat pisariaqarpoq. Maanna missingersuutit siunnersuut saqqummiunneqartoq sukumiisumik suliarineqarsimasutut, tunngavilersorluagaasutut aamma pissutsit piviusut misissueqqissaarnerillu tunngavigineqartut ingerlatsivimmit nalilerneqarpoq.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivimmit naliliineq immikkoortumi qulaani takuneqarsinnaavoq, Suliffeqarfimmut kiffartuussivik suliamut uunga pineqartumut susassaqartuugami.



Inatsisitigut tunngavissaq allakkallu tunngaviusumik uppersaatillit

- Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq
- Kommunit Namminersorlutik Oqartussallu missingersuutaat naatsorsuutaallu pillugit Inatsisartut inatsisaata allangortinneqarnissaa pillugu Inatsisartut inatsisaat nr. 13, 1. december 2021-mersooq
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Aqutsinermut ileqqoreqqusat
- Kommuneqarfik Sermersuumi 2024-mut missingersuusiornermut malittarisassat
- Kommuneqarfik Sermersuumut piginnaatitsinermik agguataarinissamut pilersaarut

Ilannussat

1. Angusat pillugit takussutissaq
2. Aningaasalersuisarnerit takussutissartaat
3. Politikkikkut atorneqarsinnaasunik pingaarnersiuiineq
4. Sanaartugassanut missingersuutit
5. Misissueqqaarnerit
6. Siunertat allaaserineqarneri 2023
7. 2024-mi akinut allattorsimaffik aamma akigititassatut siunnersuutit

Punkt 10: Nuup Bussii A/S - Suleqatigiinnermi isumaqatigiissutip nutarternera

Beslutning

Inassuteqaat itigartinneqarpoq, suliarlu ingerlatsivimmut utertillugu.

Bilag

Nuup Bussii A/S-imik suleqatigiinnissamik isumaqatigiissut nutaaq 2023

Akit akinillu aalajangersaanermi periuseq nutaaq (isumaqatigiissummut ilanngussaq 1 2023)

Angallassinissamik inniminniineq ingerlatsinermilu tapiissutit nutaaq (isumaqatigiissummut ilanngussaq 2 2023)

Nuup Bussii A/S-mik suleqatigiinnissamik isumaqatigiissut nutaanngitsoq 2018

Akit akinillu aalajangersaanermi periuseq nutaanngitsoq (isumaqatigiissummut ilanngussaq 1 2018)

Angallassinissamik inniminniineq ingerlatsinermilu tapiissutit nutaanngitsoq (isumaqatigiissummut ilanngussaq 2 2018)

Nuup Bussii A/S - Suleqatigiinnermi isumaqatigiissutip nutarternera

Aalajangiiffigisassaq

SagsID.: EMN-2023-01889

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- Nuup Bussiinik "Tamanik angallassisarnermut isumaqatigiissut" akuersissutigineqassasoq
- isumaqatigiissummut ilanngussaq 1 "Ilanngussaq 1. Akit akinillu aalajangersaanermi periuseq" akuersissutigineqassasoq
- isumaqatigiissummut ilanngussaq 2 "Ilanngussaq 2. Angallassinissamik inniminniineq ingerlatsinermilu tapiissutit" akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliamik saqqummiineq

Kommuneqarfik Sermersuumi allaffeqarfiup Nuup Bussiini siulersuisut pisortaqtigiiullu suleqatigalugit "Nuummi tamanik angallassisarnermut isumaqatigiissut" 2018-imeersoq ilanngussallu tassunga atasut nutarterpai. Tamanik angallassisarnermut isumaqatigiissutip massakkut piffissamut naapertuutilernera nutarterinermut siunertaavoq. Kommunip illoqarfiini tamanik angallasseriaaseqarnermi atukkat aqqissuunneqarnissaat aammalu ukiuni tulliuttuni sisamani innuttaasut angalasarnerannut illoqarfiullu ineriartorneranut iluaqutaasussamik tamanik angallasseriaaseqarnissaq qulakkeerneqassasoq isumaqatigiissusiornikkut siunertaavoq.

Nuup Bussii tamanik angallasseriaatsimik, innuttaasut angalasarnerannik illoqarfiullu ineriartorneranik tapersersuisumik aqqissuullunilu ineriartortitsisinnaassammat, Kommuneqarfik Sermersuumi tamanik angallassisarnermut atugassarititanut najoqqutassat pitsaasuunissaasa qulakkeerneqarnissaat suliaqarnermut pingaarnertut siunertaavoq.

Nuup Bussii sapinngisamik niuernerpalaartumik aammalu aningaasaqarnerup ingerlanneqarnera peqqinnartoq paasiuminartorlu aallaavigalugu tamanik angallasseriaaseq pilerinartoq suliffeqarfimmit aqutsisoqarnikkut namminersortumik aallutarineqartoq Kommuneqarfik Sermersuup Nuup Bussiisalu akornanni akuersissummik isumaqatigiissutip nutarsarnissaa inerisaqqinneralu siunertarineqarput. Tamanik angallasseriaaseq ilaatigut billetsinik isertitaqarnikkut aamma Kommuneqarfik Sermersuumit tapiiffigineqartarneratigut aningaasalersorneqassaaq.

Kommuneqarfik Sermersuup Nuup Bussiisalu akornanni akuersissummik nutaamik isumaqatigiissusiortoqarneratigut nutaaliamik isumaqatigiissusiornermik tamanna pingaarnertut kinguneqarpoq, taannalu aggulullugu pingaarnertut isumaqatigiissummik innerneqarluni ilaatigut Nuummi tamanik angallasseriaaseqarneq pillugu isumaqatigiissummik (ilanngussaq 1) taaneqarluni, aammalu Akit akinillu aalajangersaanermi periutsimik (ilanngussaq 2) taaneqartumik kiisalu Angallassinissamik inniminniineq ingerlatsinermilu tapiissutinik (ilanngussaq 3) taaneqartumik.

Nuup Bussiinik akuersissummik maannakkut isumaqatigiissusiortoqarneratigut akinut aqqissuussat akillu qaffasissusaat Kommunalbestyrelsimut akuersissutigineqarput. Suliffeqarfimmi akit maannamiit aalajangersarneqartalernissaat Nuup Bussii peqatigalugit akuersissuteqarnermik isumaqatigiissuteqarnikkut siunertarineqarpoq.

Atuisunut akit Kalaallit Nunaanni Naatsorsueqqissaartarfimmiit naatsorsorneqartartut allangoriartorneri malillugit Nuup Bussii ukiumut ataasiarlutik (apriilip aallaqqaataa aallarnerfigalugu) akinik naleqqussaasassasoq matumani atuarneqarsinnaavoq. Kommunalbestyrelsili akigititat attatiinnarneqarnissaat (takukkit ilanngussat 1 + 2) kissaatigiguniuk tapiissutinik amerlilinissamat periarfissaqassaaq.

Kommuneqarfik Sermersuumi tamanik angallasseriaaseqarnermut pingaarnertut najoqqutassat pingaarnertut isumaqatigiissummi aamma isumaqatigiissutip ataani isumaqatigiissutaasuni marlunni malinneqarput. Kommunalbestyrelse ingerlatsinikkut tapiissuteqartoqassappat, angallanneqarnissamik ataavartumik inniminniisoqassappat kiisalu attaveqarnerup Kommuneqarfik Sermersuumit pigineqartup aningaasalersornissaanut pingaarnertut akisussaaffimmik aalajangersaasuvoq. Akerlianik suliffeqarfiup ukiumut akit siuliini najoqqutassat taaneqartut tunngavigalugit aalajangersaavigisarnissaat akisussaaffigaat, aamma isumannaallisaaneq, assigiiamik angallassineq, sullissanik sullissineq kiisalu bussit eqqiluutsut aserfallatsaalioluakkallu pineqartillugit pitsaasunik pitsaassusilinnik sullissinissamik suliffeqarfik akisussaaffeqarpoq. Isumannaallisaaneq, assigiiamik angallassineq, sullissat naammagisimaarinninnerat naammagittaalliutillu amerlassusaat eqqarsaatigalugit ataavartumik pitsanngorsaanissamik suliniarnermi pitsaassuseq anguniarlugu malitseqartitsineq nalunaarusiornerlu suliffeqarfiup pisussaaffigai.

Akuersissummik isumaqatigiissut ukiumut sisamani atuutissaaq. Isumaqatigiissut qaammatinik aqqaneq-marlunnik sioqqutsilluni Kommuneqarfik Sermersuumit atorunnaarsinneqarsinnaavoq. Isumaqatigiissuteqarnerup nalaani Nuup Bussii A/S-imiit isumaqatigiissut atorunnaarsinneqarsinnaangilaq.

Ingerlatsivimmit aningaasatigut sulisoqarnikkullu naliliineq

Nuup Bussiisa minnerunngitsumillu kommunimi innuttaasut atugaat piviusut inissisimanerallu eqqarsaatigilluinnarlugit isumaqatigiissusiortoqarsimanera allatseqarfimmit pitsaasutut isigineqarpoq. Nuup Bussii nammineq killiliussat atorlugit ingerlatsilernissaaq periarfissaralugu suliffeqarfittut niuernikkut ingerlalernissaa pingaaruteqarpoq.

Suliffeqarfimmut Kiffartuussivimmit aningaasatigut naliliineq

Isumaqatigiissut nutartigaq akigititat ingerlatsinermullu tapiissutit kommunalbestyrelse peqatigalugu aalajangerneqartut pillugit isumaqatigiissutinik attassivoq. Ingerlatsiviup tamanna pitsaasutut isigaa allanillu oqaaseqaatissaqarani.

Inatsisitigut tunngavissaaq allakkallu tunngaviusumik uppersaatiillit

- Politibekendtgørelse om omnibuskørsel af 21 januar 1976 i Godthåb Kommune, udstedt i medfør af Færdselslov for Grønland nr 832 af 18 december 1991
- Kalaallit Nunaanni aqqusinertigut angallannermut inatsisip allannguutaa pillugu inatsit nr. 497, 17. juni 2008-meersoq

Siusinnerusukkat aalajangiineq

Aningaasaqarnermut Inuussutissarsiornermullu Ataatsimiititaq, 26.09.23:

Immikkoortoq 6. Suliaq kinguartinneqarpoq.

Ilanngussat

1. Nuup Bussii A/S-imiik suleqatigiinnissamik isumaqatigiissut nutaaq 2023
2. Akit akinillu aalajangersaanerme periuseq nutaaq (isumaqatigiissummut ilanngussaaq 1 2023)

3. Angallassinissamik inniminniineq ingerlatsinermilu tapiissutit nutaaq (isumaqatigiissummut ilanngussaq 2 2023)
4. Nuup Bussii A/S-mik suleqatigiinnissamik isumaqatigiisut nutaanngitsoq 2018
5. Akit akinillu aalajangersaanermi periuseq nutaanngitsoq (isumaqatigiissummut ilanngussaq 1 2018)
6. Angallassinissamik inniminniineq ingerlatsinermilu tapiissutit nutaanngitsoq (isumaqatigiissummut ilanngussaq 2 2018)

Punkt 11: 2024-mi suliat pitsaassusissaata allaaserineqarneri

Beslutning

Inassuteqaat akuersissutigineqarpoq.

Bilag

2024-mi Suliat pitsaassusissaata allaaserineqarneri



2024-mi suliat pitsaassusissaata allaaserineqarneri

Aalajangiiffigisassaq

SagsID.: EMN-2022-09490

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ataatsimiititamit Aningaasaqarnermut

Inuussutissarsiornermullu Ataatsimiititamut inassuteqaatigineqarpoq:

- 2024-mi suliat pitsaassusissaata allaaserineqarneri akuersissutigineqassasut
- suliaq Kommunalbestyrelsimut akuersissutigisassanngorlugu ingerlateqqinneqassasoq

Suliamik saqqummiineq

Suliat pitsaassusissaata allaaserineqarneri ukiut tamaasa nutarterneqartassapput politikkikkullu akuerineqarlutik. Suliat pitsaassusissaata allaaserineqarnerisa ukiumut ataasiarlugit nutarterneqarnerini neqeroorutaasutut allaaserisat politikkikkut anguniakkanut, inatsisinut neqeroorutinullu naapertuuttuunersut qulakkeerneqartartussaavoq.

Suliat pitsaassusissaata allaaserineqarneri tassaapput Isumaginninnermut Suliffeqarnermullu Ingerlatsivimmit innuttaasunut neqeroorutit innersuussutigineqarsinnaasut ataatsimut takussutissartai. Politikkikkut sakkussaallutillu innuttaasunik kiffartuussinermi ersarissuutitsillutillu assigiissaarinissamik qulakkeerutaasut aamma tulleriissaarisartut sulisunullu tamakkuninnga suliartatunut sulinermi najoqqutassiaallutik.

Aaqqiissutissatut siunnersuut – suliartigut naliliineq

2023-mi suliat pitsaassusissaata allaaserineqarnerinut ilanngussaartoqarpoq. Tulliuttuni aaqqiissutit pingaernerit allaaserineqarput.

Paasissutissat nalinginnaasut

- Toqusimasup pigisaanut eqqartuussivikkoortinneqartussanut toqqorsivimmik atuineq kommunip pigisaani utoqqaat illuini, utoqqaat najugaqatigiiffiini, najugaqatigiiffinni aamma najugaqatigiiffinni illersugaasuni ikiorsiinerup annertussusiatut ilanngunneqarpoq. Toqusimasup pigisaanut eqqartuussivikkoortinneqartussanut toqqorsivik aatsaat atorineqartassaaq pisuni, toqusup ilaqaataasa ini qimanneqartoq piffissaagallartillugu imaarlugulu iluarsaassimangippassuk. Taamaattoqartillugu tamatigut paaqqutarinniffimmi aqutsisuusumit nalilerneqartassaaq, toqusimasup pigisaanut eqqartuussivikkoortinneqartussanut toqqorsivik atorineqassanersoq. Tamanna ulloq 29. agusti 2023 Kommunalbestyrelsimut akuersissutigineqarpoq

Utoqqarnik suliassaqarfik

- Aallaaviatigut innuttaasut utoqqarnut inunnullu innarluutilinnut naleqquttumik inissiamik pissarsissunneqannginnermini kommunimi sivikinnerpaamik ukiuni marlunni najugaqarsimassaaq Innuttaasut allani najugallit kommunimut adressiminnik nuutsisarsimapput, allami najugaqaraluarlutik utoqqaat illuanni najugaqalernissamut utaqqisunut allattorsimaffimmi imaluunnit innarluutilinnut naleqqussakkamut nuukkumasunik. Allannguummi uani kommunimi namminerme innuttaasut tulleriiaarinermi neqeroorummut siulliunneqartassapput
- Innuttaasut piartortut, imaluunniit immikkut ittumik anniarnaveersaatini pisariaqartitsisut, utoqqaat illuini, utoqqaat najugaqatigiiffiini imaluunniit oqilisaassinermi inissamik tunineqarsinnaanngillat, utoqqaat illuini isumalluutit pisariaqartinneqartut

- pigineqanngimmata imaluunnit inatsisitigut immikkut ittumik napparsimasunut anniarnaveersaatiniq passussinissamik piginnaatinneqannginneq pissutaalluni
- Innuttaasut, uumasunit ajoqutaasunit angerlarsimaffii eqqugaasut, angerlarsimaffimminni ikiortimik pissarsisinnaanngillat, aatsaat uumasut ajoqutaasut nungusarneqareerpata. Innuttaasoq nammineerluni uumasut ajoqutaasut pillugit inissiatileqatigiiffimmut saaffiginnissaaq, tassungalu inniminniilluni
- Sullissinerit arlallit ilanngunneqarnikuupput, innuttaasut angerlarsimaffimmi ikiorneqarnermik pissarsiffigisinnaasaat, uani ilanngullugit
 - o Quumut katersuissummik imaarsineq, allakkanut nakkartitsisarfirmik imaarsineq, ilaalu ilanngullugit
 - o Innuttaasunut pisariaqartitsisunut akeqanngitsumik inersimasut nangiinik atugassiisoqarsinnaavoq
 - o Innuttaasunut eqqaamaniarnikkut ajornartorsiuteqartunut nakorsaataasivimmik tunniussisoqarsinnaavoq
 - o Kommunimi Nuup avataani illoqarfinni nunaqarfinnilu angerlarsimaffimmi ikiorteqartitsinerimi pisariaqartillugu sullissinerit pisianik aamma errorsisarfirmi errortanik angallassinerit ilanngunneqarput
- Nuummi angerlarsimaffimmi peqqissaasup sullissinerisa ilai angerlarsimaffimmi ikiortinit tigunneqarnikuupput, uani ilanngullugit stomi salinneranut ikiunneq, aap naqitsineranik uuttortaaneq ilaalu ilanngullugit
- Innuttaasut, inoqutigiinni najugaqaqataasut, inoqutigiinni ataaseq arlallilluunniit illumik eqqiaasinnaasut, eqqiaanermik sullissisoqarsinnaanngillat. Tamatuma naligivaattaq aputaajaanissamik sullissinerimi piumasaqaat
- Innuttaasunut sammisasaqartitsivimmut innersuunneqarsimasunut tamanut biliutsilluni aaneqarneq/angerlaanneqarneq akeeruppoq. Tamanna Suliffeqarnermut Isumaginninnermullu Ataatsimiititami siulittaasumit 2023-mi januaarimi akuersissutigineqarpoq

Inunnut innarluutilinnut aamma tarnimikkut innarluutilinnut tunngasut

- Killiffimmik nalunaarusiat aamma ikorfartortimit nalunaarusiat, sulisut aamma paaqqinniffiit suliamillu sullissisut akornanni paarlaaqatigiittarnermi annertunerusumik atorneqarnissaat ukkatarineqartariaqarpoq
- Meeqqanik suliassaqarfimmi sungiusartinneqartussanik nalilersuilluni tulleriaarisinnaatitaaneq allanngortinneqarpoq meeqqanik suliassaqarfimmi innarluutilinnik sullissisunit timimik sungiusaasunut suleqatigiinnut nuunneqarami, eqqortumik sungiusaanissamat suliatigut ilisimasat piginnaasallu timimik sungiusaasuni suleqatigiinniimmata

Oqartussaaffeqarfik

- Unnuisarfirmik atuisunut piumasaqaatit annertusineqarput, uku ilanngullugit:
 - o Atuisut ataatsimiinneranni peqataasussaataaneq
 - o Innuttaasup angerlarsimaffeqanngitsut unnuisarfiannut saaffiginninnermi siullermi atuinermut isumaqatigiissut atuarlugulu atsiussavaa
 - o Unnuisarfirmik atuisut iliuusissatut pilersaarummik suliaqarnissamat aggersarneqartassapput, tassungalu takkunnissaq pisussaataaffigaat
- Misiligutitut inissiat pillugit suliat pitsaassusissaata allaaserineqarnerat ilanngunneqarnikuuvoq
- Inissiat katitertakkat aamma angerlarsimaffeqarnissamat misiligutitut atorneqarnerat inooqataanissamat piginnaasassanik sungiusaanerlu tassaapput sullissinerit ilaatinneqartut



Ingerlariaqqinnissaq

Allannguutit akuersissutigineqassappata allaaserisat iluarsisat malillugit ingerlatsivimmi suliffeqarfiit sulissapput. Suliat pitsaassusissaata allaaserineqarneri kommunip suliffeqarfiinut ingerlateqqinneqarnerisa saniatigut kommunip nittartagaanut ikkunneqassapput.

Ingerlatsivimmit aningaasatigut sulisoqarnikkullu naliliinerit

Suliat pitsaassusissaata allaaserineqarnerinik suliaqarneq aningaasatigut sulisoqarnikkullu kinguneqassanngitsoq ingerlatsivimmit nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatillit

- Suliat pitsaassusaata allaaserineqarneri inatsisinik atuuttunik aallaaveqarput. Kiffartuussinerni ataasiakkaani inatsit atuuttoq tunngavigineqartoq allassimavoq.

Siusinnerusukkut aalajangiineq

Suliffeqarnermut Isumaginninnermullu Ataatsimiititaq 1.11.23:
Inassuteqaat akuersissutigineqarpoq.

Ilanngussat

1. 2024-mi Suliat pitsaassusissaata allaaserineqarneri

Punkt 12: 40E2 Tankeqarfik, Ittoqqortoormiit, pillugu pingaarnertut aalajangersakkat inaarutaasumik akuersissutigineqarnera


Beslutning

Inassuteqaat akuersissutigineqarpoq.

Bilag

Immikkoortup ilaanut 40E2-mut, Tankeqarfik, pingaarnertut aalajangersakkat

Nutaamik inissinneqarnissaa pillugu KNI-mit qinnuteqaat



SIUNNERSUUTIP TUSARNIUTIGINEQARNERA

1. SAA
2. AIA

AKUERSISSUTIGINNINNEQ

1. SAA
2. AIA
3. KB

40E2 Tankeqarfik, Ittoqqortoormiit, pillugu pingaarnertut aalajangersakkat inaarutaasumik akuersissutigineqarnera

Aalajangiiffigisassaq

SagsID.: EMN-2023-02019

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititamit Aningaasaqarnermut Inuussutissarsionermullu Ataatsimiititamut inassuteqaatigineqarpoq:

- immikkoortup ilaa 40E2-mut Tankeqarfik, Ittoqqortoormiit, pillugu pingaarnertut aalajangersakkat akuersissutigineqassasut
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Matumuuna Sanarfinermut Avatangiisinullu Ingerlatsivimmit immikkoortup ilaanut 40E2-mut, Tankeqarfik, Ittoqqortoormiit, pingaarnertut aalajangersakkat saqqummiunneqarput. 40E2-mut, Tankeqarfik, Ittoqqortoormiit pillugu aalajangersakkat siunnersuutitut sapaatip-akunnerini arfineq-pingasuni tamanut tusarniaassutigineqarpoq piffissami 28.06.23 - 23.08.23. Tusarniaanermi killiliussap iluani akissutinik tigusaqartoqanngilaq.

Ullumikkut immikkoortoq teknikkimik atortulersuutitut atugassaataavoq aamma nunaqarfiup tankeqarfianut atorineqarpoq. Immikkoortup ilaa 40E2 Ittoqqortoormiit kitaata tungaaniippoq, Aalborgvejip eqqaatigut umiarsualiviup uiggiutaani tamannalu 0,7 ha-it missiliorlugit annertussuseqarpoq.

Pingaarnertut aalajangersakkani nutaani immikkoortup teknikkimik atortulersuutitut siunertalinnut atorineqarnissaa aalajangiusimaneqarpoq, immikkoortulli ilaa avannamut killinga annertusitinneqassaaq taamaalilluni immikkoortoq 1,1 ha-itut annertutigilersinneqarluni. Immikkoortup ilaa taamaalilluni nunaqarfiup innaallagissiorfianik, transformatoreqarfimmik gassiisivimmillu peqarpoq tassalu immikkoortup ilaani tassani teknikkimut atortulersuutit ataatsimoortinneqarput.

Qamutitut motorilinnut garagiatut atugassamik haalimik qaarajuttuliornissaq pillugu KNI-miit qinnuteqaat ingerlatsivimmit tiguneqarpoq. Illut marluk (B-231 aamma B-605) Polaroilimit pigineqareersut haalimik qaarajuttuliassatut qinnutigineqartup eqqaaniipput. Haalimik qaarajuttussap inissisimaffissaatut kissaatigineqartoq Qanganitsat eqqaanni Qitiusoqarfimmi immikkoortup ilaa 40C2-miippoq, tassanilu pingaarnertut aalajangersakkat atuuttuusut naapertorlugit sanaartorneq inerteqqutaalluni. Siuliani immikkoortup ilaata killeqarfianik allannguissamut siunnersuutigineqarnerani haali qaarajuttoq immikkoortup ilaani 40E2-mi inissinneqassaaq matumanilu pingaarnertut aalajangersakkat nutaat naapertorlugit sanaartorneqarsinnaanngussalluni. Qinnuteqaat nutaamik inissisimaffissatut kissaatitalik ilanngussaq 2-tut ilanngunneqarpoq.

Immikkoortup ilaa 40E2 Tankeqarfik, Ittoqqortoormiit pillugu aalajangersakkat pingaarnerit akuersissutigineqarnerisigut maannakkut pingaarnertut aalajangersakkat atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Matumani pingaarnertut aalajangersakkat nutaat siunnersuusionerqarnerat pilersaarusionermut immikkoortoqarfiup pilersaarutaasumik ingerlatsineranut ilaavoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataillit

- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 26.10.23:

Inassuteqaat akuersissutigineqarpoq.

Ilanngussat

1. Immikkoortup ilaanut 40E2-mut, Tankeqarfik, pingaarnertut aalajangersakkat
2. Nutaamik inissinneqarnissaa pillugu KNI-mit qinnuteqaat

Punkt 13: Angallanneq pillugu Siunnersuisooqatigiinnik pilersitsineq

Beslutning

Inassuteqaat akuersissutigineqarpoq.

Bilag

Angallanneq pillugu siunnersuisooqatigiinnut ileqqoreqqusat



Angallanneq pillugu Siunnersuisooqatigiinnik pilersitsineq

Aalajangiiffigisassaq

SagsID.: EMN-2023-03031

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

- Angallanneq pillugu Siunnersuisooqatigiinnut ilanngussaq 1-imi ileqqoreqqusat akuersissutigineqassasut
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

2023-mi marsip ulluisa arfernani Kommunalbestyrelsimi ilaasortaq Lone Rosengreen Pedersen (IA) Angallanneq pillugu Siunnersuisooqatigiinnik pilersitsinissaq pillugu aalajangiiffigisassatut siunnersuummik nassiussivoq. Lone Rosengreen Pedersen malillugu Angallanneq pillugu Siunnersuisooqatigiit suliassaqartunit suliffeqarfiillu attuumassuteqartunit ilaasortaqqassapput. Kommunalbestyrelsip siunnersuut 2023-mi marsip ulluisa 28-anni akuersissutigaa, suliallu misissorneqarnissaa pillugu Sanarfinermut Avatangiisinullu Ingerlatsivimmut ingerlateqqillugu.

Ingerlatsivimmit Angallanneq pillugu Siunnersuisooqatigiinnut pilersinneqartussamut ileqqoreqqusassatut siunnersuutit suliarineqarput aamma Kalaallit Nunaanni Politiinut aamma Nunatta nakorsaananeranut tusarniaassutigalugu nassiullugu. Sanarfinermut Avatangiisinullu Ingerlatsivik allatsitut atuutissaaq, saniatigullu angallanneq pillugu siunnersuisooqatigiit tallimanik aalajangersimasunik sinniisoqassaaq: Kalaallit Nunaanni Politiit, Kommunimi aqqusinernut oqartussaqaarfik, Kommunimi Upalungaarsimasut aamma Nunatta Nakorsaaneqarfia. Tamatuma saniatigut immikkoortunik oqaluuserisassanik suliaqartut attuumassuteqartut siunnersuisooqatigiinnit aggersarneqassapput, taamaalilluni assersuutigalugu atuarfiup aalajangersimasup eqqaani isumannaatsumik angallannermik isumaginninnissamut tunngatillugu atuarfimmi aqutsisut peqataatinneqarsinnaapput.

Angallanneq pillugu siunnersuisooqatigiinnik pilersitsinikkut siunissami pisunut ilungersunartunut tunngatillugu annertunerusumik ataqatigiissaarinissaq nalilersuisarnissallu qulakkeerneqartarnissaat kissaataavoq. Assersuutigalugu ajutoornernut aamma nittaalartalmik anorersuarterillugu (tassunga ilanngullugu aqqusinernik matusinerit). Ataqatigiissaarineq naliliisarnerlu pitsaanerusoq tunngavigalugit kommune angallannikkut suliassaqarfimmi pitsaanerusumik suliniuteqarsinnaalissaaq kiisalu siunissami ilungersunartumik pisoqarnissaanut pinaveersaartitseqataassaaq.

Siunnersuisooqatigiit aalajangersimasumik ataatsimiittarnissaat siunnersuutaavoq, saniatigullu angallannermi ilungersunartumik pisoqartillugu naliliinissamut tamatigut aggersarneqartassapput, taamaalilluni siunissami ilungersunartumik pisoqarnissaa pinaveersaarneqarniassamat kiisalu nalunaarsuisoqarluni, taakkulu kingorna misissuinernut ataatsimullu isigalugu isumannaallisaanermik suliniuteqarnermut atorneqarsinnaassapput.

Ileqqoreqqusassatut siunnersuut kommunalbestyrelsimit akuerineqarpat, ingerlariaqqinnissaq tassaassaaq ingerlatsivimmit angallanneq pillugu siunnersuisooqatigiinnik inissitsiterlutik ataatsimiinnissaannut aggersaanissaq aamma ilaasortaataitaqarfiit ilaasortaatitassaminnik toqqaanissaat.



Ingerlatsivimmit aningaasatigut sulisoqarnikkullu naliliinerit

Angallaneq pillugu siunnersuisooqatigiinnik ingerlatsinermut aningaasartuutit Ingerlatsiviup missingersuutaani pioreersup ataanniissapput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiit

- Sanaartorfissagissaaneq, pisortat kuuffeqarfinnut aqquersuutaat aamma pisortat aqquiniutaat pillugit Inatsisartut inatsisaat nr. 16, 17. november 2010-meersoq

Siusinnerusukkat aalajangiinerit

Sanarfinermut Avatangiisinullu Ataatsimiititaq, 26.10.23:

Inassuteqaat akuersissutigineqarpoq.

Ilannussat

1. Angallaneq pillugu siunnersuisooqatigiinnut ileqqoreqqusat

Punkt 14: Lukket

Punkt 15: Lukket

Punkt 16: Lukket

Punkt 17: Lukket

Punkt .: Tamalaat

Beslutning

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 13:53.